

安福禍國

記

上篇

徐興題

◎ 緊要廣告

本編上卷今已出版下卷即繼續付刊惟 財政稽核殊費調查而全

錢魔力又爲安福部罪惡之根源事關國帑不敢爲影

響之談 後來 國民大會亦注重於此更不敢爲敷衍之

紀載 而安福部著名人物人各一傳皆根據其人生平事蹟調查尤費時日幸我

國人疾惡如仇不惜以共見共聞助我筆墨現一面調查一面編輯務期從速繼續

出版同胞諒之

安福一小小俱樂部耳何以能禍國蓋有釀成其禍者也製造安福者軍閥也奔走軍閥者安福也無軍閥卽無安福有之亦不能爲禍有軍閥卽必至有安福無此安福亦有他安福供安福金錢者軍閥也增安福勢力者軍閥也發生種種陰謀者軍閥也湧起層層政潮者軍閥也軍閥盛而文治衰文治興而軍閥敗安福爲政黨耶安福卽文治派也安福非政黨耶安福卽軍閥派也文治之禍國在陰謀軍閥之禍國在武力安福兼而有之忽以軍閥傾文治忽以文治燬軍閥國有是黨黨有是人其受禍也宜矣今倒安福者軍閥也趙孟之所貴趙孟能賤之安福又何怨焉而倒軍閥之安福者文治派也仗義半多屠狗輩負心都是讀書人安福目不瞑矣以禍國言安福之罪當誅然而可以誅安福者國民也若以釀成禍國之人誅安福之禍國猶以罪人誅罪人禍國者一禍再禍而禍伊於胡底耶合衆軍閥而造成一安福一文治派足以制

安福之易倒也謂之軍閥倒軍閥也可謂之文治派倒軍閥也亦可謂之文治派倒文治派亦無不可文治派果能倒軍閥則轉禍爲福若軍閥倒軍閥禍猶未已也若文治倒文治其禍更大矣我國民思之禍我者如此禍我者何人安福其不再生耶軍閥其從此永廢耶禍兮福所倚福兮禍所伏禍福無不己求之者編安福禍國記者其有深意乎

民國九年庚申七月七夕拈花微笑尊者序於宣南魔窟

序

吾讀安福禍國記。不禁深有所感想也。縱觀世界各國之黨會如林。皆以集一黨之精神。爲國家策安全。爲社會謀福利。爲其黨綱。爲其宗旨。對內以促政治之進化。對外以謀國際之和平。如甲黨發生不良之政策。而乙黨必結合全黨之力。從事猛烈之攻擊。其勝負之結果。必以大多數之民意爲歸宿。絕不敢恃武力。以違反民意也。故不愧稱政黨。吾國共和誕生。爲期不過九年。其間如國民進步、民主、共和、統一、籌安、討論、研究、已未、庚申、等各黨。前仆後繼。此伏彼起。不可不謂不盛矣。當其號召之始。莫不以民意爲標幟。一旦勢成。握有政權。軍閥官僚互相利用。所謂爲國家策安全。爲社會造福利。促政治之進化。謀國際之和平者。皆置諸度外。惟知搜括民財爲其黨人之揮霍。一意孤行。祇知有黨不知有國。無怪國民嫉視。有隱痛於黨人也。若夫安福俱樂部者。初不過一遊嬉賭博之蟻集場合。始能逐臭附膻。號召不良份子。施出種種陰謀。演成禍國

殃民之事。尙以政黨自居。不亦爲政黨羞乎。吾以爲民智不開。無力禁奸。卽真有爲國爲民之政黨。恐亦不免中途變像。爲人所疑。況安福部之雞鳴狗盜者乎。用以質之吾友南海胤子。不識以爲然否。

中華民國九年九月一日鄧山一郎

自序

昔爲座上客今爲階下囚嗚呼安福之禍首也以罪惡言誠爲國禍矣寸磔蚩尤千剝王莽亦無人惜之若尊之爲首似覺國人眼孔太小夫首者一團體中共推爲尊者也有首則黨之勢成有首則黨之力大首善則黨善首惡則黨惡安福部果推何人爲尊而擁戴之乎王揖唐曾毓雋有此資格而無其權徐樹錚有其權而無其位然則爲段祺瑞乎安福部利用段氏而非擁戴段氏邊防處以贊參授徐樹錚怫然不屑就只此一端已可概見平心論之安福部禍國之罪必安福部推尊擁戴之人而又甘心受其推尊擁戴者似可稱爲禍之首何也安福部苟無推尊擁戴之人雖爲禍亦不大其人苟非甘心受其推尊擁戴何肯聽其爲禍而不問既甘心受其推戴卽甘心爲安福部之首領安福部得此首領有所恃而不恐首領對於安福部當然負完全責任情理如此無所謂挾制國人公認安福部禍國迭爲懲辦禍首之要求今禍首已明令通緝矣

自序

二

何以有此禍何以謂之首具此鑒別之真知乃可以讀吾安福禍國記民國九年庚申孟秋吉旦南海胤子識

近年吾國政局變幻不測光怪陸離爲吾國禍者何止一安福部本編專記安福部之事凡與安福部無關者概屏不錄

本編所載有報紙已登錄者有得諸見聞者融合貫澈不厭求詳一概採入

黑幕重重局中人常有不能盡知各方面之真相况局外觀察耶一人之見聞有限陰謀之百出不窮本編記載仍以事實爲主不敢過於炫奇爲附會之談亦不因其失敗爲苛刻之論

安福罪案具在自有公論凡醜詆漫罵之詞一概不取

安福重要人物凡有事實可記者皆仿史記列傳之例人各一傳根據事實以爲褒貶務求公平不計其在緝拿中否也蓋犯法者不無可以哀矜之情漏網者亦應有誅心之論

專制時代有爲尊親諱者共和時代有爲強權諱者言論自由若是其難哉本編記載於萬不得已時亦只有寄託於文字之外蓋事非寓言不能用詭名詭實之例人多明眼何妨在傳疑傳信之間


凡例

二

本編原名安福部始末記一名禍國記者從衆情也安福真能禍國乎國之禍耳

本編記載除電報公文照原件登錄外其餘皆搜羅各方面資料參以已見融會運化成一家言蓋因事多緒繁用夾叙夾議之法方免拉雜散漫之弊篇幅雖短涵義無窮閱者注意

安福俱樂部盛時期之人物攝影



628.204
236

安福部禍國記上下編目次

- (一) 安福部之緣起
- (二) 安福部之擴張
- (三) 安福部全盛時期
- (四) 安福部與國會
- (五) 安福部與內閣
- (六) 安福部與國債
- (七) 安福部與外交
- (八) 安福部與財政
- (九) 安福部與軍閥
- (十) 安福部與和議
- (十一) 安福部之勢力
- (十二) 安福部之陰謀

安福部禍國記上下編目次



3 0387 8146 8

115146

安福部禍國記上下編目次

(十三) 安福部之人物

(十四) 安福部之失敗

(十五) 安福部之批評

安福禍國記上編

安福部之緣起


民國九年八月三日奉

大總統令

政黨爲共和國家之通例。約法許集會結社之自由。安福俱樂部具有政黨性質。自爲法律所不禁。年餘以來。迭據各省地方團體函電。紛陳歷舉該部營私誤國。請予解散。政府以爲黨見各有不同。自可毋庸深究。乃此次徐樹錚曾毓嵩等稱兵搆亂。所有參預密謀籌濟餉項。皆爲該部主要黨員。觀其輕弄國兵。喋血畿甸。肆行無忌。但徇一黨之私。雖荼毒生靈。貽禍國家。亦若在所不恤。是該部實爲搆亂機關。已屬逾越範圍。斷不能容其仍行存在。著京師衛戍總司令步軍統領領京師警察廳。即將該部機關實行解散。除已有令。拏辦諸人外。其餘黨員。苟非確有附亂證據者。概予免究。其各省區如設有該部支部者。並著各該省區地方長官。轉飭一律解散。此令。

命令一頒。舉國人心大快。而吾反生一種感想。何也。集會結社。共和國民有自由權。誠如明

安福部之緣起



令所言安福俱樂部猶是集會結社耳卽云具有政黨性質亦不過自由結合之一團體既非法定機關有何能力與政府抵抗若政府認爲不應有此一團體存在則二三警察之力卽可解散之而有餘何至上煩元首特下明令吾不料安福俱樂部臨死之末日猶熒赫如此無怪其強盛時勢燄滔天也未免爲羣惡增聲價矣究竟安福俱樂部有何魔力構成種種罪惡我國人知之否

自古神奸巨蠹當其惡蹟昭著罪已貫盈時無人不欲食其肉寢其皮燃腹爲燈飲頭爲器然當其作惡之初犯罪之始必有所憑藉利用時機由漸而至又必有最複雜之遠因近因湊合成之乃能償其大慾所謂福生有基禍生有胎國人第知安福俱樂部當誅亦思製造成安福俱樂部之罪惡者何在乎大禍臨頭追咎禍首吁已晚矣

民國成立國民黨勢力最大黨部徧全國議員佔多數當時與之角立者有共和黨民主黨統一黨之三黨者合則足與國民黨敵袁世凱知其然也乘梁啟超加入共和黨之時以金錢爲餌合併三黨改爲進步黨以抵抗國民黨此爲吾國黨爭之始迨袁世凱用梁啟超之謀解散國民黨冤死狗烹鳥盡弓藏進步黨亦同歸於盡其間破壞約法凌巖國會強奸民

意恢復帝制造成軍閥皆於此時發現袁氏暴亡梁啟超等又以拋棄約法停廢國會施行軍政十年之策手段祺瑞遂釀成張勳復辟之變張勳既敗共和復活西南各省擁護約法要求恢復國會谷鍾秀等主張以舊法改召新國會爲調停辦法馮國璋頗贊成其說段祺瑞亦未嘗反對惟梁啟超等極力不以爲然謂中華民國既經一度之復辟推倒卽成已死蛻化過去之中華民國現在復生之中華民國乃由段祺瑞手造之另一中華民國非復從前之中華民國是舊國會斷無恢復之理況舊國會不良由於國會組織法不善倘不先組織一種過渡機關將國會組織法修改仍用舊法選舉新國會未有不蹈舊國會覆轍者馮段暨之梁啟超乃謬引約法主張召集臨時參議院通電各省督軍徵求意見除西南各省外皆覆電贊成議定每省五人密令各省長官指派而臨時參議院竟告成立於是有所謂安福俱樂部者乃於此時萌芽於政治舞台矣

袁世凱利用進步黨以排國民黨及國民黨解散進步黨亦如秋扇之捐金錢資助一概停止絕不一顧籌安會成立進步黨無形消滅矣梁啟超雖爲棄嫌不甘岑寂收合進步黨餘燼成一研究系其主張廢棄舊國會選舉臨時參議院修改國會組織法者皆研究系壟斷

政權之陰謀借金錢勢力遠不如袁氏利用進步黨之時臨參議長一席梁善濟失敗不得不讓安福俱樂部獨步然則推波助瀾造成安福俱樂部命運者梁啟超也

安福俱樂部組織之初係民國六年八月在安福胡同梁宅主持者王揖唐曾雲沛諸人當時不過一尋常俱樂部耳請宴叫妓皆用安福胡同梁宅名義不用安福部名義與交通系之韓家潭梁宅同一性質同一規模無足異也且以黨爲諱用俱樂部名義爲標誌說者謂自袁氏解散國民黨政黨遂爲政府所忌而洪憲之籌安會又爲國人詬罵故不敢明目張胆結合政黨恐亦後來文飾之詞其實聯絡私人爲投機之活動而已其後徐樹錚因軍事失敗轉而謀政治上競爭以巨款收買議員王揖唐爲販客老手即以安福胡同梁宅爲收羅場於是安福胡同內車如流水馬如龍人如蟻赴門如市極一時之盛儼然成一黨之機關部因俱樂部在梁宅而梁宅在安福胡同人之赴俱樂部者皆曰安福口頭之習用已慣遂以其地名其部此安福俱樂部之緣起也後遷太平湖亦名安福者則勢力已成以爲發祥地而不肯改耳或謂王揖唐安徽人曾雲沛福建人故合兩省以名其俱樂部是說也王督個人有此心理或未可知而俱樂部中人多以爲地名之關係而已無甚深意也

安福部之擴張

王揖唐包辦選舉以安福部爲樞紐是爲安福部活動之始民國七年夏國會召集在滬總統選舉之期亦近徐樹錚先撥現款一百五十萬元爲特別經費派員分赴各省製造選舉每人先領運動費一萬元到省後製造出議員若干然後陸續酌撥接濟於是參院議員踴躍効命該部挾金錢魔力大有一日千里之勢局面亦漸擴張國人稍關心政局者無不知有一安福俱樂部爲操縱此次選舉之機關報紙中亦時揭載其大名矣

此次新選舉之進行作備於研究系梁啟超等成功於安福部王揖唐等安福部愈擴張研究系愈嫉忌卒因勢力不敵又見國民反對者多因風轉舵改抱消極主義不露頭角一任徐王辦理徐王正利用此人棄我取時機肆行壟斷積極進取其結果之佳竟得有議員三百八十餘人殊足自豪哉

羽翼旣成安福胡同一小小俱樂部竟一躍而爲獨一無二之多數黨即交通系五十餘份子亦兼收而並蓄之概予容納其發達可謂極矣於是覺安福胡同之老巢地小不足以盤旋乃大啟爾宇卜遷太平湖之清室醇王舊邸從前進步黨全盛時代曾以月納四百元租

之者沈沈府第堂哉皇哉安福部之局面一變矣召集開會亦有時稱太平湖俱樂部者而安福俱樂部之名不廢也

安福部雖如此擴張然除拓殖議員外無足紀述者即以包辦選舉論除研究系交通系稍與競爭外其餘各政團對於此次選舉認爲非法不甚贊成無出而抗衡者故倖成豎子之名至於安福部內幕本無黨綱亦非有政策主義號召結合祇以三數軍人政客欲增長一部份勢力慷慨解囊製造多數議員謀運用新國會之便利以逞其雄踞政權之野心王揖唐主持於外曹雲沛主持於內擁戴一徐樹錚指揮一切如斯而已兩年以來該部雖乘時發達而各省不設一支部除議員外不招一黨員王揖唐本有舊統一黨之資格亦未聞舊統一黨員加入安福部稱之爲政黨未免過於抬舉矣安福部切近之要圖在選舉總統後來之目的在組內閣握政權謀私利即與西南舊國會對峙之心亦甚薄弱其擴張也私人團體勢力之擴張耳非黨務之擴張也

安福部全盛時期

吾欲紀全盛時期之安福俱樂部感觸起一事不能不先補誌於此者本編定名何以稱之爲安福部憶安福炙手可熱之時對外發出文件居然自稱「本部」大有閣部口啗不知其爲何種法定機關妄自尊大如此故吾以安福部名篇下文紀載亦省稱爲安福部褒歎貶歎亦滑稽之文字而已

何時爲安福部全盛之時若以黨派競爭論則梁士詒出一參議院之後似可謂爲安福全盛之時溯與安福部同時之政黨曰新交通系曰舊交通系曰研究系曰討論會皆先安福部而成立者研究系於爭選舉時已失敗討論系持消極主義處旁觀冷靜地位新交通系早已投降惟舊交通系梁士詒尙佔一部份勢力爲參院長旋亦不安於位而去（陰謀見下）後有已未俱樂部思與安福部抗衡不過曇花一現而已若就黨言黨固可以舊交通系之讓步爲安福部全盛之時也然以吾觀察不敢冒昧推尊安福部爲政黨其包辦選舉製造多數議員者蓋欲繼任總統由其掌中產出爲第一目的（陰謀見下）該部迭次宣佈成績皆自誇選出總統爲莫大之功如其願以償則應以安福部產生總統之時爲其全盛

時期因後來安福部在政界發展種種勢力胥在乎此是不可以不誌

民國七年九年四日爲安福部選舉總統之期先期安福部爲各方面之運動決定推戴徐東海（陰謀見下）由其一手經理之國會議員合兩院組織一總統選舉會復得交通系之贊助臨投票時參議院議長梁士詒以疾辭主席讓於衆議院議長王揖唐（陰謀見下）是日絨線胡同宣武門大街一帶軍警林立居民商店奉警察廳傳知俱懸掛國旗衆議院門首樹綵架中嵌黃色總統選舉會五字誌慶也上午八時議員陸續報到參觀者座爲之滿徐樹錚亦親臨旁聽安福部特派議員李慶芳專司稽查不出席者特備汽車十輛往來於會場各招待之間敦速勸駕十時振鈴入座議員到者三百零三人未足法定人數十時三十二分到者已有四百十九人參議院長梁士詒佈告開後即讓衆議院長王揖唐主席梁院長退入議員席由王主席抽籤舉出十六人爲檢票員參衆各半議員投票時參觀者循例退出議場鍵門內外斷絕交通至十二時十五分議場門啟則投票畢矣參觀者重入席檢票員檢票數得四百三十六票與投票人數相符依票唱名徐世昌得四百二十五票唱名畢王主席報告徐東海得票超過出席人數四分之三依法當選爲大總統全場鼓掌研

究系之藍公武黃羣等亦隨衆鼓掌徐樹錚在參觀席上喜形於色於是安福部十月懷胎之總統遂呱呱墜地喜可知也

徐東海之總統完全由安福部胚胎而出無怪安福部之居功雙十節日安福部議員踴躍躑躑擁戴東海老人就職凱歌齊唱賀電紛馳正安福部意得志滿時也不料同時生有反響大掃安福部之高興者則西南各省不承認新國會選舉總統是也

軍政府通電 百萬火急北京馮代總統鈞鑒李步軍統領各省督軍省長各都統各護軍使各鎮守使衡州吳師長常鶴馮旅長北京徐菊人先生天津熊秉三張敬輿先生通州張季直先生上海海軍藍總司令武昌海軍杜司令廈門海軍林司令各省議會各商會各報館均鑒自西南興師以至本軍政府成立以來於護法屢經表示除認副總統代理大總統執行職務外其餘北京非法政府一切行爲軍政府萬無容認之餘地乃與大總統法定任期無幾大選在即北京自擗機關號稱國會竟將從事於選舉夫軍政府所重者法耳於人無容心焉故其候補爲何人無所用其贊否贊否之所得施亦視其人之所從舉爲合法與否而已苟北京非法國會竟爾竊用大權貿然投票無論所選爲誰決不承認謹此布告咸使周知軍政府務會議世一

孫洪伊通電 廣州參衆兩院軍政府總裁各省護法軍將帥各省督軍省長各團體各報館公鑒自國會破散約

法毀裂凡北京一切非法機關根本上絕不成立此護法軍所由興也頃者報載北京有稱爲新選出之總統者夫國無論君主民主元首繼承皆必有一定程序不可移動而國乃可安吾國舊爲君主政體孔必正名春秋大居正故凡帝王嬪統之際有不如法者史家胥以借僞屏之甚至如唐玄幸蜀肅宗以太子卽位靈武猶爲議者所不予以授其受之際不明也民國總統有正當之選舉機關載在約法武力派以己意竄改法典私製議員此祇可視爲私人機關以如此機關執行選舉而可謂之總統比之君主時代是莽卓不裕不爲篡竊燕雀鷓鷯可稱繼體民法不由合法婚姻產出者爲私生子私人如此豈國家而可由私生總統耶（中略）法蘭西第三次共和成立君主黨麥馬韓爲總統國會迫使辭職而法之民主國體始固防杜漸計之不可不豫也嗚呼武漢失圖本初之前車可鑒海西猶在許龍之妖計頻聞今苟奉此人爲總統法律上不啻承認非法之機關政治上且將爲復辟之張本現正式國會已依法集會廣州國家正統有托此等紫色蠹孽當然在屏斥之列惟望我南北官民一致主張上維國憲尊嚴下保國民人格則天下幸甚國體幸甚孫洪伊叩虞

西南各省無論如反對俱不足以動交福部之心惟當時有一種駭人消息謂徐東海非能永久低首下心於安福部者將來必有對待之計畫經有人獻策於東海宜牢籠新舊交通系以便將來控制財政此時應與段派親近（段派不盡安福）對於馮派（當時未分直奉）

及西南方面亦須極力敷衍操縱三方面以烘托自己之勢力然後當一任大總統方有意味不至蹈黎馮之覆轍東海已爲此說所動自被選後除見客外時常閉目垂睛獨坐一室若有無限深思者安福部聞之不能不驚心動魄所謂極盛之時卽伏衰敗之根月滿則虧理固然歟

更有一節令全盛時之安福部美中不足留爲後日失敗之因者卽副座不能產出是也

徐樹錚之計畫本欲正副總統俱由安福部一手包辦無奈副座資格有馮國璋張作霖曹錕三人鼎足於其間安福部對於馮本處反對地位舉馮已不成問題惟交通系梁士詒與馮頗有關係耳卽以張曹而論安福中亦不能一致劉恩格等欲舉張王印川等欲舉曹而徐樹錚則欲操縱於張曹之間梁士詒則欲乘曹張相持不下之時爲馮收漁人之利（徐梁陰謀見下）故卒至兩敗其餘更有主張以資格武功爲標準者有主張以擁護及善後爲交換者有主張留此席以餌西南者議論歧枝節愈多更無結果迭次開會皆不足法定人數卒以延期表決多數通過副座問題遂擱置不談

安福部議員有三百八十餘人之多在兩院宣言自誇爲多數黨者何以有不足人數之事

此又不可不加以考察也蓋由安福部係一種勢力之結合無政黨貫徹之精神人數既多資品不一黨中隱隱大別爲三級第一級領袖如徐曾王等居高臨下發號施令第二級各課及各招待所之幹事供領袖指揮傳達命令第三級參養服從而已當副座問題不能解決時梁王兩議長屈尊遍訪各招待所有感受不平待遇之份子公舉代表陳述不平之意見略謂我輩對於副座問題之主張與兩議長同極願隨議長之後深信俱樂部議員亦同此意惟議會中議員之資格無分彼此而俱樂部則有大議員小議員特別議員普通議員內部議員外部議員機密議員非機密議員之分顯分階級竊以爲非適宜辦法兩議長何不廢此階級一視同仁則意見融洽團結鞏固之效可得而觀矣王揖唐聞之拂然不悅答以俱樂部何嘗定此階級該代表歷舉幹事員等勢微以證實之梁士詒亟曰不必多談以後各所自舉接洽員三四人到部接洽不必假手部中指定之幹事員可也梁王去後各所幹事員聞此消息勃然大怒幾至演成武劇經領袖出而調停始相安無事安福部內幕如此故雖以徐樹錚之陰謀曾王之手腕又濟以金錢之作用一遇外界之競爭便無勝算可以獨操可見該部之稱盛一時者一由西南人材自樹一幟二由各黨有所畏避冷靜者多

耳觀於副座難產可見一斑

安瀾亭全盛時期

安福部與國會

吾紀是篇亟應先聲明者則國會之法律問題是也北方召集新國會西南召集舊國會誰合法誰非法此種問題不在此篇範圍吾非法律家亦不便妄參末議此篇係「安福部與國會」所紀國會之事以與安福部有關係者爲限閱吾書者當諒此旨

舊國會九百餘人（兩院合計）梁啟超改組之主張謂中國地廣人衆每議員一人代表公民四十餘萬安能代表真正民意而在議會則嫌其多人雜言龐此其所以搗亂也不如裁減其數政府可省參養之費議會易收統一之效故此次召集新國會兩院合計四百餘人西南各省尙未加入即合西南各省補足之亦五百餘人而已故安福部有議員三百八十餘人便爲多數黨可以在兩院指揮如意

安福部自民國七年六七月起至八月止製造兩院議員財力與勢力並用聞耗去金錢九百餘萬此一篇糊塗曖昧賬個中人不肯宣佈外間何從清算但觀其競爭買票有價可稽者每張約二三百元爲數已不資而包攬之大小頭目奔走之滿地嘍囉狂吞浪費更漫無可核矣（聞湖北一省領去六十萬元實用十七餘萬元）夫選舉既有名額票數之規定

勢必出於競爭上則黨與黨爭下則分而爲無量數小團體之爭而牢籠要結之術亦百出不窮此亦立憲各國所不能免者不過安福部以蟻法弄弊作奸犯科行之遂造成罪惡爲國人所不齒耳撮我見聞誌之如左

(一)選舉時之趣劇

研究系與安福部競爭最烈之地乃在江蘇因該省軍民長官非安福系而河間系也衆院選舉結果淮揚道安福佔三名研究一名滬海道安福二名研究一名蘇常道安福四名研究二名徐海道安福三名研究二名金陵道安福二名研究一名比較而觀研究系可謂失敗乃欲於參院選舉爲補牢之計研究系健將藍公武親臨前敵安福部特派段書雲帶來巨款兩不相下一時票價漲至三百元且鬧起江南江北之意見後來研究系漸露弱點仍未肯讓步各展陰謀遂釀成搗毀票匭之笑劇其肇事原因緣此次寧垣參院選舉選民調查合格者城內一千四百餘名四鄉一千二百餘名共計二千七百有奇其中不合資格及重複者頗占多數(有龜奴謝寶寶等亦列選民冊內)惟四鄉投票向比城中齊整無識農民莫不服從總董與董事命令囑其投某某及某某從無一敢違拗者現因參議院破天荒

改歸民選垂涎參議員者人數愈衆各鄉總董董事在鄉間開會討論依票數之多寡支配當選者若干名以一千三百有零票額可以當選四十六名遂公同議定徐堃錫張大衡等四十六人每人担任約十人入城作兩次投票而城中一般士紳聞鄉間此種消息遂亦於投票前一日開會亦籌定張斌甘鈺等四十六人以爲抵制鄉間之計劃並包定海洞春長松東號第一春秦淮旅館問柳等菜館是日不賣外客專爲代人投票者咀嚙之供此事前佈置之大略情形也不料此次投票方法係屬創舉原無明文規定前由齊省長中央籌備國會事務局于局長電咨投票概要十四條分電各縣知事妥慎辦理江甯初選監督孫知事受各方面運動場中佈置將天宇匾與地字匾立字匾黃字匾等設在一處未能顯然區別(以下類推)以致投票者不甚明瞭遂多錯誤愈錯愈擁擠秩序因而大亂起初管理員監察員猶力爲維持厥後人數愈聚愈衆有持投票證一張硬搶投票紙十餘張管理員亦無力禁止一人作俑衆人效尤秩序更形紊亂而城鄉又起競爭鄉間既欲爭勝城中又恐失敗隱隱中已含有兩不相下之勢適有鍾靈淳化兩鄉投票大隊約齊而至投票所地方既形窄小管理員發給票紙又甚慳吝不予因而大犯衆怒一聲叫打遂羣起附和天宇

區管理員首當其衝。臧字區管理員見事不佳，棄區內竄。其餘各區管理員亦紛紛潛逃。票紙因擲散滿地，票區遂當場撞毀。初選監督孫知事睹此狀況，知難收拾，遂立時宣布停選。其已投票槩作無效，改期再選。縣署辦公人役四出尋雇黃包車十餘輛，拖載票區回署。其一種倉皇現相，令人見之發噤。

最奇者又有江北阜甯縣衆院管理員顧培芝，彼嚇身死一事，緣阜甯縣紳商學各界遍寄傳單，略謂該縣衆院初選人名冊淨濫至十一萬三千四百二十六名之多，僞造者十之四五。迨分十區投票，無非自填一人，或填數十票數百票不等。惟二區管理員顧培芝依法辦理，不肯從同違法，致被強暴者迫脅侮辱，陰謀者詭詐恐嚇，忿極縊死。業經公民嚴福葆方琛等先後電呈省長及淮揚道尹，各派檢驗筆跡，究辦紳商學各界於六月十六日假縣立二區國民學校開追悼大會。

其餘如皖省之十八羅漢五路財神（衆院王揖唐等十八人，皖人稱爲十八羅漢，參院五人稱爲五路財神）、鄂省之抽幫換底（研究系阮毓崧衆院實投有四十八票，開區僅二十七票，熊輯五實投有四十三票，開得二十六票，皆被人抽換）、鄭萬瞻之恃勢取票（鄭

爲安福健將包攬湖北選舉期前一日鄭糾同四五十人突入武昌府衙門王純高監督處儲票房要分存票聲勢洶洶守者以管票人外出對鄭等猶四處搜尋憤憤而去次日王監督聞之以拿辦爲掩飾（閩省之由官指定（閩省各議員未舉以前即已決定無人不知）陝西之離奇報單（陝西選出議員竟有分送戚友報單大書特書貴府某大老爺蒙督軍省長遴選中式字樣真堪發噱）湘省之塗污選票（湖南選舉係吳劍豐包辦楊哲子買得四十餘票開後廢票佔三十票以上票面所寫楊度二字已成楊皮楊之度楊渡等種種怪名吳嘗對人言由其電告安福本部轉電湘省當局破壞侃侃而談自鳴得意）形形聲聲不勝枚舉總之無省不作弊而已

（二）選舉時之訴訟

（中央）中央選舉第一部即中央學會互選之選舉也有張玉崑者以八千元收買林建倫所有之二十票安福部以二萬元奪之張與林交涉林貪安福重金與張廢約張憤甚赴京師高等審判廳起訴同時又有何竣業亦以選舉舞弊在法庭起訴

一本案緣起 本屆參議員中央選舉會弊端甚多不勝枚舉其發覺者實惟第一部第一

部係於六月二十日開始投票六月二十一日第一部選舉監督通告投票時間自上午九時起至十二時止開票時間仍在下午二時以後云云迨是日下午三時選舉人張君玉崑高君翀漢等同往會場監視開票乃其時會場已無一人而管理監察員等則稱投票人現只二百三十餘名尙未足額張君等聞之大駭遂相與往謁選舉監督傅君增湘當由李君中一出而接見張君等謂參選法第七條選舉須有選舉人總數三分二以上到會始准投票今日到會人是否已滿法定人數若干并未過問張君等又謂此等投票實屬違法應請監督取消揭示(卽延長投票時間至下午六時之揭示)更新依法辦理李君乃復傳監督之意答以不能照辦張君等旋卽辭出既而又晤六月二十日投票人傅君胡君等六月二十二日投票人郭君李君等均言伊等隨到隨投隨去且均願具書證明不誤至六月二十五日張君等迺始正式起訴於京師高審廳而本案亦遂完全成立

二理由 選舉法有(選舉非有選舉人總數三分二以上到會不得投票)之明文則非有三分二之到會者不能舉行極爲明瞭但選舉施行法雖有但書謂(但選舉人過多選舉場所不能容時得由選舉監督酌量情形令選舉人隨時投票)云云是蓋以會場狹小時

他爲限其不能不俟三分之二之到會者乃當然之事然此次選舉並無會場狹小難於收容投票者之事乃竟蔑視選舉法令選舉人隨時投票於投票之員數等亦略無所顧慮又如某派公然使用代理者其證據確鑿歷歷可數據此等理由故謂此次選舉完全無効云

三言詞辨論 七月六日上午十時開庭先有何君竣業呈訴選舉違法兼舞弊之一案直至下午二時半始畢旋即傳喚原告張君玉崑等被告代理人胡君家鳳馮君濟忠又被告代理人律師胡霖等到庭審判長首問原告張君有何辨論張君謂被告代理人主張適用施行細則並不違法所以這個施行細則與參選法相互之關係如何不能不略加說明參選法是臨時參院議決的乃是一種法律施行細則是政府制定的乃是一種命令命令不能變更法律在於現在各國實爲一種絕無例外之原則要是命令的內容與法律的內容有抵觸時就立法說這種命令當然無效就適用法律說適用了這種命令以致推翻法律這種適用命令的行爲也當然無效試問被告代理人施行細則是不是一種命令參選法是不是一種法律施行細則要是一種命令參選法要是一種法律是否可以適用施行細則破壞了參選法被告代理人又稱第一部不受第五部之拘束也是大錯因爲第一部第

五部全是中央選舉會的一部中央選舉會乃是參選法所產出就法律說第五部既受參選法的支配第一部也就不能不受參選法的支配就實際上說第五部是內部總長兼任內務總長管轄全國的選舉故其布告亦爲辦理選舉的模範雖謂第一部應受第五部之拘束有何不可次由被告代理人胡君家鳳發言講法律不能專在形式上講當在立法的精神上講參選法所注重的是到會的人數施行細則所注重是投票的人數不但不是違反本法直是救濟本法至於第一部同第五部情形不同第五部是滿洲王公人數甚少第一部的人數甚多不能一槩而論又次由被告代理人胡霖律師發言亦與胡君家鳳所言相同次又由原告張君發言這種法律論實在不必置辨原告只問該代理人施行細則就是一種特別的命令總不能不算命令既是命令能不能變更法律該代理人要說命令能夠變更法律原告情願輸服該代理人又說施行細則是本法委任的這話是極了從法律上委任出來的命令不但不補助他反倒來破壞他豈有此理又次由被告代理人胡君家鳳發言法律上的解釋有文理的解釋論理的解釋兩種我們辦理本屆的選舉因爲到會的法定人數太覺困難所以照着細則上注重三分二的票數以救濟之實在是一種論理

解釋並且現在參院的選舉不但中央選舉會是這個辦法地方選舉會也是這個辦法要是說這種選舉違法則全國辦選舉的全是違法全當更新選舉這次的國會恐怕辦不成了又次由原告張君發言被告代理人的這種事實論政治論在法庭上原可不必置辯不過被告代理人他說這種辦法是一種論理解釋的結果就原告看起來要是一國的法律全用這種反對的解釋就管他叫作論理解釋可就危險極了請法庭格外注意又次由被告代理人胡律師霖忽言命令不能變更法律這是一種學者的主張辦理選舉的人并不懂得總之這是全法律的問題請法庭趕緊宣告辯論終結罷又次原告楊君立奎高君翀漢被告代理人馮君濟忠皆略有辯論審判長至此遂宣告本案辯論終結定於八日上午十鐘宣告判決云

四宣告判決 本月八日上午十一鐘高級法院民一庭庭長兼審判長推事張君式彜及陪席推事等蒞庭首先宣告判決正文爲請求駁回次宣告其駁回之理由一謂施行細則乃是參選法所委任的一種命令與別的命令不同所以這種命令的效力不但可以變更本法并可以取消本法停止本法一謂這種施行細則的效力與參選法相等所以那第十

條的但書就可以作爲參選法第七條的但書本此理由應予駁回云云

何竣業通告選舉舞弊公啟 通告報界書云敬啟者中央選舉實爲各種模範熟知舞弊違法莫甚於此竣業忝列學界法界末席且列第一部互選人擁戴法律義不容辭已往高等審判廳起訴定於七月二日上午開庭想吾司法界自有公平之主張也夫國會議員選舉法爲約法之一部份何等尊嚴何等莊重乃辦理選舉人員竟敢玩弄如同兒戲等法令於弁髦持金錢勢力官階爲護符竣業一介書生惟知尊重法律雖抱救國之心僅具螳臂之能願與力異無任惶悚惟思愛護法律誰不如吾懇請大報力持正論以挽狂瀾而維憲政竣業幸甚大局幸甚

何竣業陳訴選舉舞弊原文 呈北京高等審判廳文云爲陳訴本屆中央選舉會第一部選舉舞弊及違法請求調核卷宗確查投票時實在情形准予提前審判事(一)違背法令 一竊查修正參院選舉法第七條選舉非有選舉人總數三分之二以上到會不得投票此屆選舉各次皆未待法定人數到齊卽行開始投票六月二十一日又任意延長投票時間按照選舉監督布告投票自上午九時起至十二時止是日展限者數次顯係

違法行爲是日至六時仍未滿法定人數即定明日接續投票同時第五亦未滿法定人數惟定明日再行投票兩部彼此自相矛盾二第三章第四十四條規定第一部互選人資格其一卽爲大學本科畢業按照籌備國會事務局解說與大學本科畢業程度相當者亦作爲大學本科畢業得列名冊此種解釋並未宣布今據陳訴人所知張清麟爲日本大學高等研究科畢業據稱按照日本學制與大學本科畢業相等屢次請求未得列冊顯係剝奪公權 三按照第一部選舉監督布告凡呈驗憑證報名投票皆須本人自辦而關於投票一節尤關緊要今代行投票者不知凡幾經陳訴人於六月二十一日上午指出頂冒張履鰲者一人其時辦理選舉人員不得已方將投票入場券扣留不令投票 四今舉陳訴人所知與此屆選舉有關碍者列左 吳在章現在江西 楊景斌現在上海 朱文鑫現在上海 張履鰲不在京 羅泮輝現在上海 陳惠範不在國內 胡仁源不在國內 張玉崑（未去領入場券未去投票有人頂冒）據聞尙有死人列入互選人名冊但一時未能調查明晰 五任事滿三年爲第一部互選人資格之一件該局與監督未有解釋明文惟判定書類內有在外國任事准予歸入三年期限內

計算者但當陳訴人代人報名時以該請求報名人歸國未滿三年惟合計國內外任事在三年以上被駁未予報名當將文憑退還不知究係何故(一)舞弊 一籌備國會事務局以鐵路局辦事人目爲官吏不准列冊今互選人名冊有鐵路辦事人員如李景鎬現在隴海鐵路局辦事又漢粵川鐵路工程局亦有四人列入名冊其餘尙不乏人路員既不合格何以上開數人可以列冊顯係舞弊 二楊德森一名兩次請求均被批駁何以今互選人名冊內忽見有楊德森其人陳訴人知其然惟不知其所以然當然認之爲舞弊 三互選人名冊宣示後擅行取消茹養源李成章二名後又取消若干名皆未宣示按照修正參院議員選舉法第四十八條第一項未有期滿卽爲確定一語是於互選人名冊宣示二十日以後不能有所更改增減也明甚今擅行取消以致牽涉選舉人全數顯違法令 四陳訴人已查得有六人年齡不足而列入名冊者如左

黃國驄二十四歲 陳明壽二十七歲 王正黼二十八歲 胡憲生二十八歲 梅貽琦二十九歲 李松濤二十九歲 五陳訴人等見選舉票反面有作記號者按法此項選舉票卽爲無效今該監督是否依法施行 六其餘情事以時期急迫陳訴人一時不

易調查暫時未便告訴惟查判定書批語無論准駁多不一致且語多含糊大滋疑慮應請鈞廳速向中央選舉事務所第一部調取原呈憑證及各項案卷以及投票錄選舉錄選舉票等等以便詳查而釋羣疑 查修正參院議員選舉法第十九條準用衆院議員選舉法再查修正衆議院議員選舉法第八十四條有左列情事之一者其選舉無效

- 一 選舉人名冊因舞弊牽涉全數人員經審判確定者
- 二 辦理選舉違背法令經審判確定者

陳訴人所舉發各事實皆指證確鑿非調核冊藉派員查明舞弊及違法情形奚以重法令而重選政(二)疑義 互選人年齡資格中央選舉事務所以三十歲以上爲限惟既稱爲互選人是由法理言各選舉人皆得爲被選舉人故互選人年齡當以三十五歲爲限不當以三十歲爲限 選舉監督當投票開票時間蒞場絕無僅有 茲依修正參院議員選舉法第十九條及修正衆議院選舉法第九十三條選舉人確認辦理選舉人員有舞弊及其他違背法令行爲時得自選舉日起於十日內向高等審判局起訴並依第九十六條司法衙門應提前審判請予照辦爲特陳訴(另有追加理由及續請調查卷宗兩件從略)

審判廳開訊中央選舉訴訟。二日上午八時餘爲京師高等審判廳審理關於中央第一部選舉監督辦理選舉事宜互選人認爲違法一案誌其大槩如下。查該項選舉訴訟案之當事人原告係律師張玉崑及楊立奎高翀漢三人皆具有備選資格而列名互選者被告爲現任教育總長充中央第一部選舉監督之傅增湘係委任該部部員胡某馮某爲代理人雙方辯論頗有理由惟原告以院法爲前提認定不滿法定人數遽行投票爲違法當然無效被告舉施行細則第十條第一項之但書爲辯論之根據認爲非違法原告又舉第五部監督之布告稱到場互選人不足法定人數依法不能投票等語而第一部監督同時之宣告適成反例孰爲適法孰爲違法不難參觀互證而得其真相被告辯論謂第五部之布告不能拘束第一部之宣告仍認爲非違法當時庭長張式懿及推事二人兩造之辯論合以書記官關某之筆述略詰數語遂宣告本案辯論中止俟下次（卽星期四）繼續審理同時又有互選人何竣業亦上訴中央第一部選舉監督違法舞弊列舉五款（見上）張庭長遂依次詢問案由原告何君一一陳明被告代理人胡君一一答辯法官遂亦宣告辯論中止同於星期四再行判斷

(山東)山東因選舉而撤換濟南道尹唐柯三以張仁濤代之於是大施其鬼崇行爲致激成胡立峯等向法廳起訴通電聲討

劉甲一電 大總統國務總理籌備國會選舉事務局鈞鑒國會選舉爲國家大典山東濟南區衆議院覆選於本月十日舉行甲一等既取得初選當選之資格即能代表民意莫不慎重將事是日該監督僅設寫票一席故意延宕時開致當日不開票甲一等查照國會選舉法第三十六條具公函請求監守票甌既聞有人請求被拒卽未實行及翌日開票入場參觀互相詰問甲一等四十二人不謀而同所舉者爲章邱縣農會會長王逢源及開票已畢王逢源僅得有效票二十二票又無效票六紙共計二十八票人票不符甲一等不勝駭然始悟該監督開票延緩拒人監守票甌殆有深意存焉除向該監督具呈質問並依法起訴外合詞籲懇迅電將此次選舉全部取消另行依法改選以重選政而洽民意無任感禱甲一等四十二人叩真

王逢源等電 (銜同上)此屆山東濟南區衆議院覆選該監督纂取選票移花結木違法舞弊至斯已極輿論譁然羣情忿激請迅電取銷另行覆選以重選政而平民氣山東公民王逢源等三十八人叩文

胡立峯等電 本區此次衆議院覆選立峯等應召而來純取人才主意所舉爲現省議會副議長王宗廷當投票時確係一致行動字畫真切絕無錯誤及投票事竣當日未遂開票當有選舉人伊著荅等十八人以上依法請求監督守票甌

以防法外行動當局堅持不允居心已屬可疑今經過一夜黑幕當衆開票王案廷共僅得票三十二張按之當時所投票數竟大相懸殊且其中尙有廢票八紙非籍貫大錯卽字跡顯乖情弊昭然立峯等萬難承認用特合詞籲懇伏祈鑒核澈查准將此次複選全部撤消迅令改選以昭大公而重民意不勝翹盼之至濟南道衆議院議員初選當選人胡立峯等三十九人同叩真

田允青等電 國會選舉爲國家安危之所係中央慎重選舉之至意民等飢聞有素自當選爲復選選舉人即各具代表眞實民意之決心以期選出洞悉商民疾苦之議員建利國福民之政策乃不意抵濟以來即聞有指定名單利誘勢迫非法選舉之謠傳民等仍矢初念概不問聞業經依法投票並依選舉法施行細則第三十六條第二項請求監守票區以杜弊端竟被駁未准翌日開票時民等入所參觀凡平日謠傳聲浪最高者多已當選疑竇滋甚參觀人民出場大譁民等互相詰問乃知不謀而同者要選濟南總商會會長張肇銓之票計共四十三張確已投票入區而開票結果張肇銓僅得有效票二十五張無效票三張以致落選票數暗消情弊顯然除一致敬向該監督交涉並依限起訴法庭外爲此合詞籲懇鑒核迅電該監督依法改選以重選政而維國本國家幸甚選舉幸甚山東濟南道衆議院初選當選人田允青等四十三人

(天津)天津縣衆議院議員初選開票監察員張炳臣上省長兼選舉總監督陳明當日精

形並防省會選舉舞弊懇請鑒核竊於五月二十五日下午值天津第一區開票時竟有成捲之票紙炳臣檢出交與代理初選監督查閱斯時選舉參觀人多有知此事者除禁請初選監督將未開之櫃勿開敞外一面懇請鈞座飭知初選監督照辦並乞知照部派直隸選舉臨時視察員到場視察會蒙批示在案惟開票所次日仍行開櫃至六月六日始蒙初選監督批示呈悉查衆議院議員初選開票票櫃並無成捲票紙五月二十五日在場監察員有二十餘人如有成捲票紙豈能皆無異言况投票時以調查員資格按日至場會同管理監察各員詢問投票人姓名住址交付票紙在投票時該氏與監察管理各員既未將多數票紙交付一選舉人票櫃之內又焉有開出成捲票紙之理所請應無庸議等因批出之後不第票櫃業已開完覆選亦將着手至初選監督批請皆無異言然當日之監察員當選者居大多數孰樂推翻究之有成捲票紙無成捲票紙核對票紙筆跡即可證明其多數票紙筆跡一致者即爲成捲之票紙無疑現雖事過情遷尙有追究與否權操之上非炳臣所能過問最可慮者省議會選舉近在指日若仍如出一轍對於選舉前途可爲之一哭爲此懇請省長兼選舉總監皆於省會選舉時設法整頓以重選政實爲公便中華民國七年六月

二十四日奉省長批現據天津縣衆議院初選監察員張炳臣稟稱辦理選舉違背法令請暫勿開選等情奉批所稱是否屬實候令縣查明辦理可也

又東北縣公民房端麟爲選舉舞弊昨特呈請省長派委查辦等情當奉批云所稱是否屬實候令縣查照辦理

(九江)九江衆院選舉因預定當選人不足票數竟於各被選人之不足法定票數者名下偷挪一二百票實行其移花接木手段不料事機不密爲人所知面詰監督汪念祖要求將當選人票數交出開封檢查汪托故不允激成衆怒遂在地方審判廳起訴法庭爲顧全汪知事體面未正式開庭僅命書記官秘密檢票宣告無罪一方面敷衍原告別去羅增周斯孚歐陽華等四人認爲票不足額而德化東鄉譚家版一區已徇李巨室之請重投新票其訟始息

(二)選舉時之各方面

(安福部與交通系)亞東通信社當時發表一報告謂安福交通兩首領會議選舉費一百四十萬交交通財政兩部各出七十萬曹汝霖長財部允許照辦後安福欲盡取此百四十萬

以此意詢梁梁曰我但要四十萬徐王亦允之惟屆時名額須由安福支配不料梁手腕靈敏先在交通部提去四十萬王揖唐大憤電徐樹錚回京在鐵路協會與梁開談判雖未破裂而梁手頭鬆動多向風轉篷趨附梁氏安福願獻百二十票於梁以聯合提携爲交換條件云又上海日日新聞云中央政界自新國會議員選舉後似有一時小康之象然其裏面暗潮凡人皆得而知之最要重者即莫若安福俱樂部與舊交通系之兩派餘則不過爲二三之少數黨耳或謂安福舊交通兩系之內面競爭雖云激烈不時將有握手之事不知安福系非素信用交通系者其頭領梁士詒已儼然一敵國而舊交通系亦常以安福爲一政敵之警戒故一面與馮派聯絡自其南下之際已將此消息洩出其將來之步調能否一致與舊交系今後之取如何態度固非今日所可預測者惟現兩派軋轢之暴露於社會既已成不可掩之事實或又謂曹汝霖陸宗輿等現互與安福派往來不依然有親密之傾向乎不知此尤爲皮相之觀察也何故曹陸爲新交通系之人現與舊交系已有公然反抗之事如借款問題礦業官辦問題即其明證是曹陸兩氏已可證明其爲安福派轉藉之人矣然則今後之中央政界以兩系勢力之消長如何而爲其證局變動之機械者又不待智者

而始知之也

(選舉時之棄權人)中央第一部參院選舉發生訴訟有陳惠範等致函報界云敬啟者鄙人等對於本屆參議院議員中央選舉雖經列冊甘心棄權各次投票概未與聞誠恐未盡週知易致誤會務乞登之大報以明真相不勝感荷之至中央選舉第一部棄權人陳惠範李應泌李植榆李純圭陳維屏朱斯芾丁榕俞慶恩楊景斌羅培華倪錫純王曾憲蔣守柏全鞠躬又接何竣業來函云敬啟者鄙人爲中央選舉會第一部互選人之一位除二十二日二十三日爲顧全大局贊助政友起見不得已而到場投票外其餘選事概未與聞懇祈登之大報以明事實無任感盼專此敬請台安何竣業敬具又天津總商會前准直隸實業廳爲中央選舉調查合格商人其資格以年納稅千元或百萬元之資本爲合格合此項資格者太少我津確查僅有四人刻已稟明農商部暨實業廳查核云

(選舉時之市面)當運動選舉最活動之時各省市面極爲熱鬧尤以茶樓酒館妓院爲利市數倍聞天津商界言自保垣舉行覆選以來市面驟增數萬元之現款雖端陽節已屆而市面反呈活動現象選舉之神益於商民實非淺渺尤可異者保垣數月以來所有娛樂各

場業經漸次消滅一等妓院只餘三家近自選舉盛行忽又增添六家一方面爲選舉運動之介紹場所一方面爲即可爲消納金錢之良好機關誰謂選舉無益於小民哉尤奇者此次直隸事務所先曾遍約本埠各印刷局開明選舉票價格紙樣呈候訂購各印刷商均以此爲大宗生意爭以廉價呈報大有投標競勝之觀其所估之價總計在二萬元以上三萬元以下者已有數家而該所結果乃獨向高價四萬元之北京印刷局定購說者咸謂同一貨色而該所偏舍廉價而趨貴價直大反於商業常例云

(選舉與時局)有北京某要人發表對於時局之意見據云此次總選舉因買票與官廳干涉(聞有某要機關對於各省曾發密電令其妨害反對黨當選之說)兩方法勝利全歸安福交通兩系是以將來選舉總統形勢目下亦已明瞭於是馮氏之總統希望不能不謂爲完全失敗但馮氏失望究竟於現下時局及北洋系果爲有利與否甚屬疑問而安福交通兩系名士則謂馮氏之勢力不足畏察其態度於前途似甚樂觀不知困獸猶鬪馮氏既失望則必開始爲他種運動亦屬意中事乃安福交通兩系策士眩惑目前一己之勝利不遑顧慮大勢專逞一己之私慾遂至與從前友黨亦均相抗相鬪自以爲妙策而不知增加政

敵日陷於孤立無援之境其愚誠不可及馮氏實爲北洋派一方之重鎮與研究會討論會感情雖有隔閡然究爲年來提携之友黨理當親善而兩派現在故意謀北洋派之分裂並與友黨絕緣設將來民黨再北上時兩派果能有單獨對抗之勇氣乎吾人常以段氏爲中國之唯一無二政治家而誤此偉人者安知非安福交通兩派之名士卽今思之吾人甚爲段氏惜云云是說也頗有先見之明勿謂秦無人也

(四)國會開幕與馮總統通電

八月十二日爲新國會召集開幕之期轉輪出胎各議員陸續來京報到安福部大功告成喜可知也是日上午九時總統總理國務員親臨開會宣武門大街至象坊橋一帶軍警林立警察廳循例傳諭商民懸掛國旗國會門前綵牌高築陸子欣避暑北帶河亦自遠而至九時十五分振鈴開會于寶軒登台佈告應擇議員中年最長者一人爲主席馮河間登台致祝詞自稱代理總統段合肥亦有祝詞宣讀畢向國旗行禮此普通之儀式無足異者惟限制內外新聞記者旁聽京外各報特派員往取旁聽券皆拒絕可謂無意識之至馮總統由國會返白宮卽發出通電表明心迹

各省督軍省長天津曹錕路使張總司令各都統各護軍使各鎮守使各師旅長鑒國璋服務民國已歷七載變故迭經飽嘗艱苦去歲邦基搖動幸賴總理與各督軍羣策羣力恢復共和其時黎大總統辭職再三元首職權無所寄託各方而以約法有代行職權之規定大總統選舉法有代理之明文責備敦促無可逃避國璋明知涼德不足以辱大位當以尊重法律之故不得不忝顏庖代獨念約法精神之所在一曰中華民國之統一曰中華民國之平和國璋挾此兩大希望而來以求與根本大法精神相貫徹非有一毫利己之私惟期不悖於法理以資免於罪戾耳今踰就職代理之日已逾一年而素所謂統一平和者乃如曇花泡影了無把握推原其故惟國璋一人實尸其咎古人云徒善不足以為政徒法不足以自行又云苟非其人道不虛行國璋雖自認約法精神無有錯誤而誠不足以動人信不足以孚衆法不足以馭事惠不足以及民以致將士暴露於外閭閻愁苦於下耳目所接觸者無往而可抱樂觀雖有賢能之關係智勇之同袍而以國璋一人不足表率之故無由發展其利國福民之願力所足自白於天下者惟是自知之明自責之切速避高位以待能者而已今者攝政之期業將屆滿國會開議已在目前所冀國會議員各本良心上之主張公舉一德望兼備足以服統一而操平和者以副約法精神之所在國本以固隱患以消國璋方日夜為國祈禱為民請命以自贖一年來之罪狀皇天后土實鑒此心若謂國璋有意戀棧且舉競爭選舉相疑者乃為局外之流言豈知局中之負責在國璋禍望國會之速成以求時局之大定乃有之其他絲毫權利之心固已洗刷淨盡矣至於國之存亡匹夫有責國璋雖在

野苟有可達統一平和之目的而黨國民一份子之義務者惟方是視豈辭也敢布腹心以告賢者國璋文印

(五)國會之形形色色

國會成立第一問題即爲兩院議長安福部既製造成多數黨理應連胎而產即安福部亦不甘讓諸他人惟參院議長一席當開辦選舉之初已定計屬之梁士詒故梁之議員由中央第三部着手組織王揖唐由第二部着手組織後因參院議長決定屬梁乃改途辦理衆院議員中央雖舉出參院亦棄而不就矣安福部之甘讓參長於梁士詒者所以籠絡舊交通系並以敷衍梁氏戢彼競爭總理之野心而梁之肯屈尊爲此者一因副座問題有所利用二因對於西南欲達其目的組閣猶後也(陰謀見下)衆院方面王揖唐以安福部首領及臨時參議長資格其議長席當然非他人所能競爭故新國會開幕後二十日衆院開會公舉議長王揖唐已操券而獲至於副議長一席則不能無所爭耳

安福部出資收買之議員每月一律給三百元津貼(重要人物有不止此數者)而各小團體之分裂約分四派各擁戴一小頭目互爭雄長「一克希克圖派」聯合蒙藏議員康士鐸烏澤聲等屬之「二周勃派」合湖南湖北兩省議員爲一團體其中堅人物爲鄭萬瞻等

「三劉恩格派」由東三省議員因督軍團之關係勾結周應璜收吸山西議員之一部「四王印川派」以河南議員爲根據而安福部首領之親信附之初王印川以爲副議長一席可與王揖唐同蒂而生不料康士鐸一派先爲作梗（康因臨參秘書長前爲王所奪）各派繼起而爭頗難解決於是劉恩格乘機崛起而自慚資望太淺乃別開生面思以武力爲後盾返乞奉督之電薦徐樹錚因欲消除張督算賬之餘怒轉囑王揖唐遵照辦理王印川遂降而爲秘書長矣

衆議院秘書廳之組織尤有種種駭人聞聽之事職員竟多至五百人查修改之國會組織法衆議員總額不過四百零六人除西南數省未能選舉外各省區選出之議員全數到齊祇三百二十餘人秘書廳職員較現有議員總額增多五分之一且聞尙有陸續發表者爲數又屬不少眞世界萬國自有國會以來未有之奇觀也按照從前參衆兩院秘書廳組織規定職員總數均在百人左右衆議院秘書廳計一二三四等秘書三十人書記六十人技士若干人（約二十人左右技士卽速記生）已覺人浮於事無事可做今遽增至四五倍究竟此法外國會之衆院有若干大事殊駭聽聞秘書廳須五百人辦理職務如何支配衆議

院屋雖寬大五百人辦公是否可以容納皆令人莫得其解比經調查此五百人之支配及其來歷大抵議長王揖唐之親戚故舊均居要職如會計科長鄭某庶務科長趙某均其外甥以次秘書科員書記均係合肥鄉人（甚至大廚房茶房亦多屬議長有關係之人）試過該院秘書廳即聞合肥人土話之聲隨處皆是北京晨鐘報前載王揖唐此番得意謂爲生平榮宗耀祖之時似謔而近虐但按之事實並不覺其虐也議員既引用私人上行下效私人中還有私人自然愈引愈多於是若干議員在安福部略占勢力者每一議員又輒薦三四人之多王氏先自心虛不得不受其挾所以多至五百人目前此五百人之支配除經委任爲各科科長科員書記指定職務外有所謂編譯繕校兩種名目現在該院計設文書議事速記會計庶務五科每科均多至四五十人截至九月十日上午發出各科人員之徽章計共二百二十五枚午後又添四人添發徽章四枚即此已共得二百二十九人矣此外添設之編譯繕校兩處則爲二百七十餘人共合五百餘人衆議院每科辦公之地祇占一二房間以至三四間乃合齋聚數十人甯有容足之地時因爭持坐位聲喧戶外而各科科長從中調停大費苦心乃至不得已央求各員不必前來畫到謂本來無多事諸君不來可

免跋涉之勞且仍可照常領取薪水何樂不爲京中各機關照例有職員畫到簿以攷勤惰認真者監視綦嚴不意該院反是祇愁職員前來畫到轉婉言擋駕昌言授受乾薪斯尤聞所未聞矣編譯繕校兩處人員因人數太衆無如許徽章遂槩不發給復以此屢與警衛衝突警衛長不得已於昨日午後至秘書長處請示辦法秘書長王印川不知何從想起一絕妙方法言編譯繕校兩處人員各持本人名片赴文書科蓋一小印出入交警衛查驗放行尤爲怪事至秘書廳經費原來亦有限制照今日局面胡亂支用又何嘗不可但人數既多至五百除委定各科員書記須照章領薪外其餘編譯繕校處三百餘人編繕員月薪有多至二百元者需款甚巨不知其如何籌措而王揖唐則謂已別籌得大宗款項備作此用年來引起風雲擾攘之國會問題政府一再曰舊國會組織不良修改組織法減少人數乃新國會產生秘書廳怪象如此其果較舊國會良否耶

(十六)安福部議員之姓名

中央參議員

胡鈞(千之) 許喆(少芸) 吳宗濂(搨清) 王世澂(莪孫) 鄧鎔(守瓊)

魏斯吳(阜歐) 陳煥章(重遠) 張元奇(貞午) 蔡儒楷(志賡) 照彥(俊甫)
李兆珍(星治) 江紹杰(漢珊) 王郅隆(祝三) 林韵宮(以字行) 毓頤(餘痴)
溥緒(竹生)

直隸參議員

曹鈞(秉權) 楊以儉(臨齋) 陳賡虞(鳳韶) 趙元禮(幼梅)

奉天參議員

曾有嚴(子威) 陳瀛洲(海峯) 趙連琪(玉雙) 陳克正(止中) 蘇毓芳(秀庭)

吉林參議員

祝華如(笠三) 于貴良(樞宸) 畢維垣(輔廷) 成多祿(澹堪) 徐肇銓(亞衡)

黑龍江參議員

翟文選(希仁) 蔡國忱(興周) 楊崇山(簡齋) 李占英(潔岑) 宋連甲(貫忱)

山東參議員

王錫蕃(季樵) 張玉庚(岱青) 尹鴻慶(瑞亭)

河南參議員

張鳳臺(鳴岐) 畢太昌(覲文) 李時燦(敏修) 王祖同(肖庭) 史寶安(吉甫)

山西參議員

田應璜(子琮) 賈耕(叔農) 解榮輅(正紉) 曾紀綱(子常)

江蘇參議員

段書雲(少滄) 鄧邦述(孝先)

安徽參議員

倪道杰(幼丹) 蘇文選(棣卿) 張敬舜(華臣) 姜兆璜(襄廷) 柳汝士(冠民)

江西參議員

李盛鐸(木齋) 吳鈞(伯琴) 陶家瑤(星如) 賀國昌(養生)

福建參議員

陳懋鼎(徵宇) 林瀨清(朗溪) 陳之麟(芷汀) 楊廷樑(幼亭)

湖北參議員

陳寶書(豪生) 錢葆青(仲仙) 陳元祥(卓齋)

湖南參議員

易順豫(由甫) 陳嘉言(梅生) 杜 俞(雲秋)

陝西參議員

王 樾(蔭之) 武樹善(念堂) 郭毓璋(蘊生) 宋伯魯(芝田) 何毓璋(達甫)

甘肅參議員

秦望瀾(少觀) 趙守愚(智若) 李增穰(華如) 吳本植(子幹) 段永新(定丞)

新疆參議員

一不拉引(舜臣) 李鍾麟(綬青) 王學會(少魯)

京熱綏察參議員

孟憲彝(秉初) 龔秉鈞(子和) 鄭仲升(次超) 馮汝驥(申甫)

川邊參議員

趙心得(一清)

蒙古參議員

德色賴托布(松坪) 林炳華(耿凡) 鄂多台(庚元) 李國杰(偉侯) 札噶爾(明軒)
棍布札布(繼庭) 朱仕清(子明) 楊壽枏(味雲) 阿拉坦瓦齊爾(新甫)
唐理淮(伯平) 劉文煜(鏡澄) 色丹巴勒珠爾(治庭) 周秀文(夢蘭)

西藏參議員

馮汝鈞(恭衡) 江贊桑布(堪布) 梁鴻志(仲異) 格勒索巴(松亭)

青海參議員

汪聲玲(筱岩) 劉星楠(雲平)

直隸衆議員

卞蔭昌(月庭) 王葆黎(伯珩) 田子鵬(展程) 汪鐵松(秀山) 張佐漢(筱良)
董景勳(慕唐) 盧嶽(宗五) 王文芹(采章) 賀培桐(湘南) 武繩緒(繼勛)
吳得祿(廉卿)

奉天衆議員

邵克莊(敬如) 劉恩裕(鯉門) 曾憲文(述堂) 高清和(奉五) 魏福錫(霖葛)
董寶麟(奉軒) 孫孝宗(咸庭) 馮泮春(旭升) 教德興(政宸) 翁恩裕(問卿)
劉興甲(星閣)

吉林衆議員

金明川(月岑) 遼長增(景新) 賈明善(自誠) 王沐身(省三) 趙人驥(逢伯)
王汝澈(蔭南) 孫恩溥(瞻原)

黑龍江衆議員

張文翰(墨林) 李維周(蔭棠) 趙鎮(東藩) 王文璞(惠真) 趙仲仁(作人)
劉振生(慰齋) 文子鐸(以字行)

山東衆議員

王廣瑞(少農) 艾慶鏞(韻笙) 王廣瀚(海槎) 王之錄(圖軒) 王宗元(怡柳)
河南衆議員

徐卓增(立吾) 鄭錫田(觀農) 張石生(秋岩) 郭景岱(海峯) 李隨揚(協丞)

陳鴻疇(錫九) 王曾禮(漢台) 李自辰(卓雲) 何霽峯(岫齋) 李綏恩(仲安)

原恩瀛(筱蓬) 王印川(月波) 王澤放(仲劉) 張坤(子厚) 郭涵(芳五)

林東郊(齊原) 彭運斌(右文) 陳善桀(壽民) 袁振黃(承軒) 張縉瓚(蘭泉)

金 燾(魯樵)

山西衆議員

李元晉(體乾) 常贊春(子襄) 耿臻顯(揚廷) 蘭均(伯衡) 裴寶棠(紹南)

劉培潤(澤之) 劉 械(樸臣) 郭德修(子成) 郭象升(可階) 樊振聲(次風)

祁景頤(敬怡) 李友蓮(益芳) 邢殿元(善章) 狄麟仁(壽丞) 楊柏榮(競珊)

高時臻(福齋) 李道在(孟存)

江蘇衆議員

夏仁虎(蔚如) 孫錫恩(疊波) 夏寅官(滄岑) 顧詠葵(聽秋) 柳肇慶(衍齋)

蔣士杰(孟彥) 金詠榴(劍華) 彭清鵬(雲伯) 解樹強(斐青) 季龍圖(景范)

王立廷(鴻弼) 張從仁(雲笙)

安徽衆議員

王揖唐(一堂) 關建藩(芸農) 光雲錦(農聞) 趙熙民(新甫) 周行原(頌隲)
江忠賡(菊圃) 胡延禧(慶之) 丁葆光(韜菴) 崔法(星門) 陳嘉言(嘯卿)
華維嶽(仲西) 陳光譜(耀遠) 邱鳳舞(伯飛) 劉兆麟(星若) 倪道煌(彤輝)
丁冠軍(杰臣) 黃光昌(慕韓) 吳山(岫農)

江西衆議員

包發鸞(松峯) 熊正琦(慕韓) 饒孟任(伯輿) 吳道覺(先民) 龍晃(羣希)
程臻(擷華) 梅士煥(孚九) 楊蔭喬(仰皆) 葉先圻(紫封) 黃文濬(味淵)
林金相(品三) 劉思桂(丹叔) 李學蓮(耦耕) 熊坤(叔厚) 魏會英(伯含)
李家浦(少齋) 魏調元(文希) 石雲星(霖伯)

福建衆議員

邵繼琛(蒲生) 林棟(隆山) 林佑蘅(謫如) 鄭元楨(翊周) 鄭蘄(章孫)
劉映奎(幼蘇) 李俊(雲嶺) 王大貞(幹丞) 黃蔭(蓬客) 陳亮(智君)

邱曾煒(烟夫)

浙江衆議員

汪立元(健齋)

錢 豫(立凡)

謝鍾靈(醒今)

童能藩(雙峰)

黃秉義(質誠)

袁榮窻(道冲)

袁 翼(滌庵)

湖北衆議員

賀激冕(庸樸)

趙儼蕪(伯莚)

李繼楨(希愚)

李寶楚(善仲)

胡柏年(經庭)

余德元(明卿)

湯用彬(頤公)

王 彭(爵三)

甘鵬雲(藥樵)

王蓮孚(鐵公)

鄭萬瞻(雲渠)

何珮瑄(璧六)

湖南衆議員

李棠生(以字行)

羅正緯(達存)

吳德潤(曉支)

易克臬(敦伯)

吳劍豐(季甄)

張 宣(榜生)

周 渤(士貞)

晏才猷(屏如)

朱俊烈(心源)

王 毅(子剛)

向乃祺(北翔)

楊 岳(雁峰)

吳凌雲(閣臣)

陳琢章(冰叔)

廖名縉(笏堂)

何海鳴(一雁)

符定一(宇澄)

唐乾一(坤成)

陝西衆議員

岳維(持齋) 王珍(聘初) 吳崇德(脩之) 楊逢盛(濟川) 高杞(瀚湘)
李少唐(懷之) 羅仁博(錦章) 白建勳(少餘) 鍾允諧(琴石)

甘肅衆議員

宋振聲(鷺宇) 馮翊翰(浩觀) 彭立栻(敬甫) 郝天章(漢青) 敏翰章(倬丞)
王廷翰(漢虞) 侯效儒(徵若) 張超(幼升) 趙國瑞(小峰)

新疆衆議員

袁進業(健菴) 楊增美(尊五) 謝萬魁(梅亭) 安大榮(富堂) 加拉(虞臣)
麻和浦(純璧) 黃立中(執甫)

京熱察綏衆議員

張匯泉(恩波) 康士鐸(甲丞) 孟錫珏(玉雙) 李東萊(小蓬) 張其密(退菴)
卜兆瑞(夢庚) 張欽(敬亭) 宋弼良(向城)

蒙古衆議員

阿昌阿(漢卿) 張文(獻廷) 李芳(馥塘) 吳淵(仲遙) 陳震(仲起)
曾毓煦(慕皆) 車林桑都布(仲山) 賀得霖(德鄰) 吳文瀚(皦如) 布爾格特(鶴儕)
姚華(重光) 卓特巴托晉(世海) 賀色賁(如庠) 周維藩(价人) 吳榮成(熙堂)
王樹枏(晉卿) 王伊文(以字行)

西藏衆議員

烏澤聲(謫生) 克希克圖(仲養) 羅布桑車珠爾(華亭) 史啟藩(介民) 臧蔭松(澗秋)
巫懷清(明遠) 黃雲鵬(美涵)

青海衆議員

劉朝望(荃莊) 龔慶霖(雨蒼)

川邊衆議員

饒應銘(鼎三) 徐亞屏(以字行)

安福部與內閣

安福部產生徐東海之大總統爲其一身命運所繫卽爲其旗開得勝第一功再進一步內閣卽應繼總統而產十月十日總統就職十二日內閣總理段祺瑞免職在安福部心理當然由本部人物出而組閣何以兩次閣員皆混合各派而成非純全安福系其原因雖複雜而最要者安福部實非政黨對於國家本無一定政策之主張對於組閣無大政方針故每次內閣同意案安福部所注意力爭者不外交通財政兩部純粹的是金錢問題絕無政黨內閣之可言此其所以無安福部內閣發現也

徐總統就職後第一期內閣總理爲錢能訓徐前在東三省任清總督時錢爲其參贊乃東海老人夾袋中人物也段祺瑞辭職錢以內務總長代揆席曾有「代理十天」之聲明惟繼任人物雖向田煥亭朱啟鈐汪大燮諸人勸駕咸知東海屬意錢參贊且南北和議初提不易解決皆婉謝之安福派則對於交通財政兩部不肯放棄延至十二月經數次之疏通舊交通系梁士詒辭參院議長職始克就緒(參觀下文勢力篇)迨同意案提出衆議院財政之龔心湛與張弧仍有異議者王揖唐分頭化解又在太平湖大開會議得多數贊同錢內

閣乃正式成立

十二月二十日大總統特任錢能訓爲國務總理此令

八年一月十一日

特任國務總理錢能訓兼任內務總長此令

特任陸徵祥爲外交總長龔心湛爲財政總長靳雲鵬爲陸軍總長劉冠雄爲海軍總長朱深爲司法總長傅增湘爲教育總長田文烈爲農商總長曹汝霖爲交通總長此令

外交總長陸徵祥未到任以前著次長陳籙代理部務此令

財政總長龔心湛未到任以前著次長李思浩暫行代理部務此令

特任張懷芝爲參謀總長此令

徐東海以文治爲號召錢幹丞以文治派組閣故以實行議和爲唯一政策安福部表面亦倡言贊助和平政府特任朱啟鈞爲總代表南下開議所謂「對等會議」「善後會議」一切爭執均皆讓步(參觀下文和議篇)甚至錢閣正式成立亦恐西南不肯承認有碍和議進行其謀和可謂切矣後來和議決裂朱啟鈞避席停止會議錢閣遂不能不倒就事實上觀

之固如是也而安福部之倒閣則另有原因在

錢閣成立之初已爲軍閥所不喜尤以主張對等會議大失北洋軍閥體面於是有戊午同袍社之組織彈劾案亦提出於曹氏（參觀下文軍閥篇）而錢之主張又有犧牲新國會之意安福部大恨之極力與軍閥聯絡（參觀下文和議篇）錢閣幾乎不能正式成立故財長之龔心湛見風頭不佳已赴安徽省長任早拋棄入閣之希望矣雖元首百般疏通軍閥不得不從從命令錢閣根本早非穩固詎料錢幹丞不度德不量力不甘受各方面挾制（參觀下文勢力篇）欲另樹一幟與安福部爲敵使其私人于寶軒組織一己未俱樂部收買議員擬聯合破裂之交通南下之政學失意之研究下野之河間在野之名流三湊四合成一大黨安福部安能忍受倒閣之謀遂刻不容緩矣

更有一事爲錢閣催命符者卽青島交涉是也歐西和會日人不肯還我青島國人大憤學界方面尤爲不平謂青島之被縛束由於濟順高徐借款威歸咎曹汝霖陸宗輿章宗祥等八年五月四日羣赴趙家樓焚趙宅毆章宗祥風潮旣起曹汝霖不安於位呈請辭職教育總長傅增湘亦因學潮無力消弭不告而去外交之陸徵祥早已赴滬閣員僅餘四五人閣

勢已如一局殘棋萬難收拾安福部乘勢攻擊(參觀下文外交篇)錢內閣不能不出於辭職之舉徐東海八面敷衍加意慰留未幾又有簽字不簽字問題發生東海召集議員討論提出意見所持論調對於不簽字之害多簽字之害少甚欲國會贊成簽字而對於輿論之質問又以不簽字爲言使國會負其咎安福部議員知其用意不謀而合一致反對(參觀下文外交篇)上海和議西南代表又於此時提出八大條件

一青島問題政府不得簽字於歐戰和約

二懲辦訂立中日密約之禍首

三參戰軍國防軍邊防軍一律撤廢

四撤換不合輿情之督軍省長

五恢復舊國會

六由和會舉員組織政務會議以監督南北執行事件將來內閣之組織應得其同意

七所有和會議決案由政務會議審定之

八暫認徐世昌爲大總統先行執行職務至國會選出正式大總統之日爲止

此噩電傳來安福部大嘩衆議院全體議員請錢內閣出席質問謂朱啟鈞受命爲總代表係一行政委員資格安能有解決法律之權國會爲立法最高機關總統由此產出內閣由此通過無國會安有內閣且無總統國會搖動卽一切根本搖動朱總代表與西南會議居然敢議及國會問題此權是何人界之者錢無詞以對勉爲答曰並非敢議國會不過討論及之耳安福部大不以爲然謂神聖不可侵犯之國會卽討論亦不可錢內閣唯唯而退（參觀下文和議篇）不料錢口順心違發出通電仍有討論字樣安福部恨之刺骨而西南唐總代表對於國會問題尤爲積極主張朱啟鈞亦電懇辭職徐總統敷衍無術於是倦勤之表示安福部謂共和民主政體內閣全負責任措置失當與元首無涉內閣可以全體辭職元首無倦勤之必要也錢閣遂捨下野無他途矣六月十三日大總統遂特任財政總長兼代揆席

龔心湛代閣亦宣言十日爲限徐東海夾袋中有一周樹模安福部頗有擁王揖唐登場之意無如學潮愈起愈劇大學校長蔡元培出走學生罷課漫延各省天津罷市上海罷市軒然大波不敢直當其衝此外亦無人願投入此漩渦者龔代閣遂不能不延長期間

安福部不欲他人討論國會王揖唐又不敢出組閣不如自充和議代表免太阿倒持（參觀下文和議篇）龔代錢對於大政方針仍希望和議繼續成立與西南要人文電往還諸多接洽乃改派王繼朱南下惟當時閣員僅剩朱田靳劉四人數月之中所處境况極爲困難徐東海因周樹模不能提出無愜意之人暫不更動內閣忽東三省巡閱使張作霖四省經略使曹錕有養電到京略謂國政端在內閣負責龔代閣久萌退志繼任之人甚難其選暫行代理現聞有靳雲鵬總長兼代之說大總統潛移默化想已得選靳總長心地光明操行穩健以靳代龔衆望克孚如龔代總理必欲退職卽請以靳總長組閣現在內憂外患相迫日亟組織閣員全國攸賴云云徐東海接電交龔閱看龔卽備呈決定辭職財政一席由李思浩次長暫行代理龔去靳來之命令次日發表矣

靳翼青非安福部人物且與徐樹錚有隙無人不知因同出段合肥門下與段關係不減於徐安福部不便反對靳出組閣徐東海視之雖不如周樹模之密切而操縱頗易又有張曹之薦正合私衷惟靳翼青有鑒於安福部之挾制明知徐樹錚與己不睦又鬼計多端頗滋疑慮先謁段合肥取進止段甚贊成且以後盾自任（參觀下文軍閥篇陰謀篇）靳乃放胆

就職關於政治進行及財政籌畫果然順利於是正式組閣由政府與國會作幾度之接洽
即臻妥善十月三十一日衆議院提出同意案多數通過移付參議院亦多數通過靳雲鵬
遂膺命爲國務總理

閣員同意幾費波折始分配擬定安福部之注重不過財政交通兩部此兩總長解決其餘
應易疏通乃此次閣員名單十月二十二日提出衆議院

外交總長陸徵祥

內務總長田文烈

財政總長李思浩

陸軍總長靳總理自兼

海軍總長薩鎮冰

司法總長朱深

交通總長曾毓雋

教育總長夏壽康

安福部與內閣

農商總長張志潭

二十八日衆院開會教育夏壽康農商張志潭竟不能通過十二月二日移付參院亦然徐東海據兩院咨復三日用命令發表其被否決之農商總長命田文烈兼署教育總長命傅嶽芬次長代理後來兩部總長卒因無相當人物終斬閣之期不能提出

農商教育兩部非安福所爭何以反對張夏二人堅持不肯通過因張志潭才具不凡徐樹錚恃才傲物睥睨一世張志潭不爲屈遂發生意見安福部成立對於政權把持要挾不留餘地張志潭更爲反對其怨愈結愈深而外間造謠又謂岑春煊揭罵段祺瑞之電係張志潭主稿非他則無人詳知秘密又謂吳子玉之撤防政府本不允許張志潭從中斡旋始獲邀准(參觀下文陰謀篇)安福部聞之更視爲公敵安有通過之理雖有三總長五次長三省長之交換條件(參觀下文勢力篇)亦不能假借矣至於教育總長夏壽康之否決則因吳炳湘不能得內務三總長之條件未能辦到(安福部爭內務係爲下次選舉作用)而政府對於教育又視爲無足重輕未向安福部用力疏通故投同意票時差一票不能通過

安福部與國債

近年以來吾國政府不借外債卽絕無籌款之法債台高築外人監督財政逐漸實行全國破產險象已見此種飲鳩止渴亡國政策原非自安福部始安福部所以爲世詬病者不顧利害甘心親日(見下外交篇)且以煎血催命之外債供黨徒之揮霍(參觀財政篇)爲殺人之凶器(參觀軍閥篇)其罪惡爲尤巨耳吾非爲安福部恕吾慨見政府日以借債爲活而各方面催款環而攻之刻不容緩每一外債借入分撥各方面俄頃而盡一債甫增又商量續借不借則無以應各方面之催逼借則受國人之痛恨分用此外債者腸肥腦滿借此外債者反爲各方面任罪大惡極之咎何以服借債之心旣不足以服其心雖明正其罪亦不足以絕借債之源吾深望袞袞諸公懲前毖後以安福部爲大戒寧裁兵減政不飲盜泉則無人敢冒不韙以爲之矣不然安福部雖鋤而借債如故或加厲焉不特無補於國而安福部亦有所藉口也吾非編中國外債史安福部以親日之故搆成罪惡非安福部攬權時代之外債不列入非借日之外債亦不列入

安福部橫攬政權之日本在新國會成立之後然臨時參議院之人物卽安福部之人物且

新交通系曹汝霖等早與徐曾王等沆瀣一氣且安福部罪惡全由金錢造成金錢來源由於外債安福部自民國六年八月組織故吾列舉外債亦自六年八月始茲爲條舉於下
民國六年八月十二日南潯鐵路借款向東亞興業會訂借七百萬元

此卽南潯鐵路延長條約其路幾以福州爲起點斜斷閩贛兩省接南潯本線以達長江此路告成日本由福建上陸以經略吾國南部之計畫可以實行矣

八月二十八日中國銀行收回紙幣借款向日本銀行代表訂借五百萬元期限六個月利息七釐以一千五百萬元之銀行鈔票抵押

八月二十八日第二次善後借款墊款向橫濱正金銀行訂借一千萬元由將來第二次善後借款內扣還如第二次善後借款不能成立則於一年內歸還利息八釐以鹽稅贏餘作抵

按日前北京政府要求南北和會承認以田賦作抵之四萬萬大借款卽所謂第二次善後借款也和議停頓第二次善後借款亦暫停頓然其藉墊款爲名以輸入外資者未嘗歇息故此後猶有所謂第二次墊款第三次墊款也

八月二十八日山東借款向中日興業會社訂借一百五十萬元

八月二十八日交通銀行二次借款向日本興業朝鮮臺灣三銀行訂借二千五百萬元

十月二十日吉長鐵路借款向南滿鐵路公司訂借六百五十萬元期限三十年利息五釐實收九一五以該路財產及收入抵押

十月二十日運河借款向日本興業銀行訂借五百萬元計六百萬金元美國佔三百五十萬金元日本佔二百五十萬金元

十一月二十二日直隸水災借款由北京政府向中日實業公司及其十餘銀行訂借五百萬元期限一年利息七釐以三處本地關卡收入爲抵押品多倫諾爾稅關其一也

民國七年一月一日（一九一八）年財政部印刷局借款向三井物產會社訂借二百萬元期限三年利息八厘實收九八如材料價格無甚出入須向三井購買

七年一月直隸水災借款由正金銀行代銀行團墊出二百萬元又直隸督軍曹錕軍費借款向三井物產會社訂借一百萬元以開灤煤礦股票抵押

一月六日第二次善後借款之第二次墊款一十萬元如第二次善後借款成立即於該款

扣還利息七釐以鹽稅贏餘抵押

一月 軍械借款向泰平公司訂借一千四百萬利息七釐實收九五另扣百分之五爲代辦軍械之雜費

一月二十日交通銀行繼續借款向臺灣日本興業三銀行訂借二千萬元利息七釐五以二千五百萬元之國庫證券抵押

二月四日鄭鐵路借款向正金銀行訂借二百六十萬元期限一年利息七釐以該路收入抵押

二月南潯鐵路借款向東亞興業會社訂借十萬元

四月無線電借款三百萬元爲建築無線電臺之用一切材料均須向三井物產會社購買

四月二十日奉天收回小鈔票借款向朝鮮銀行訂借三百萬元二年內歸還一半其餘一半三年攤還利息六釐實收九五以矸子湖煤礦抵押

四月三十日電政借款爲擴張陸路電線之用向中日匯業銀行訂借二千萬元利息七釐五回扣百分之一五以從前未曾抵押之電政產業作抵（此借款據東方新聞社云係向

朝鮮銀行訂借)

五月十六日直隸借款向朝鮮銀行訂借一百萬元

六月十八日吉會鐵路借款由交通部向臺灣朝鮮日本興業三銀行訂借二千萬元爲延長吉鐵至朝鮮邊界之用期限四十年利息五釐

此卽所謂吉會鐵路無限延長條約也合之後列之滿蒙四路而關內外長城南北之領土盡入日本勢力範圍矣

六月陝西借款百二萬元

六月湖北借款向三井訂借一百萬元

六月中央借款向大倉訂借二百萬元

七月江西餘干煤礦借款三百萬元

七月第二次善後借款之第三次墊款向橫濱正金銀行訂借一千萬元

七月吉林森林借款向日本銀行訂借三千萬元期限十年利息七釐五以吉林黑龍江二省金礦森林及其收入抵押

按此即斷送東省森林之契約當時東省人民奔走呼號爭之而不能得吉林森林西人評爲合中國用之三十年而不盡者乃以三千萬元賣之日本

九月山東借款一百五十萬元

十月北京電話借款五百萬元

十月滿蒙鐵路借款四千萬元

按此即滿蒙四路條約分爲熱洮線長洮線吉開線及由熱洮路一地點達某海港之線以洮南爲中心南達熱河以控制北京東至長春接吉長吉會兩線又橫通南滿線此路告成而滿蒙全部由山海關直達北京皆歸日人掌握矣

十一月山東鐵路借款（即濟順高徐等）二千六百萬元

按此即濟順高徐二路條約爲此次巴黎會議中青島交涉失敗之要因此二路一以濟南爲起點橫斷京漢以至直隸之順德冀達山西一以山東高密爲起點以至徐州控制津浦隴海二線南迫南京西通豪陝以訖甘肅蓋一舉而自大河南北以達江淮所有中國中北部各省盡畫歸日本範圍日本得此故愈不肯放棄青島以墮其種種既得之利

權而北京政府許此於日本是不特以青島奉贈日本並且承認其以青島爲根據以經營吾中北部之計畫此次美總統慰問吾國專使謂美國雖竭力援助中國無如中國爲新條約所約束遂無能爲力云云

十一月軍務合同借款(卽供參戰軍用)二千萬元

按此爲參戰軍國防軍邊防軍等等軍隊合之不下二十萬皆恃此借款以編練者

十二月京綏借款四百萬元

以上共計借入日債三萬萬零三百二十萬元而龔心湛之八年公債國庫券及各部自行借入之小借款其數尙不知凡幾自學潮激起曹章被毆全國人民羣起反對始稍畏阻而京漢粵漢兩路猶有抵借日債二萬萬之說秘密進行除龔心湛陸宗輿曾毓雋外無人知悉聞龔之八年公債以二成作押亦借日債四千萬元云

當順濟高徐二路借款未成以前七年九月忽有一萬萬元大借款之消息驟然洩漏一時輿論大嘩一通社信八報館同時牽累停止發刊曹汝霖受此打擊此借款卒至無成一通信社八報館爲此犧牲亦不爲無補然執政者除借款外無生活經手者貪回扣爲發財不

此之借而彼之借非甲之借卽乙之借一借不成由再而三大借不成由少積多徒爲是犧牲亦無補於國耳况此次消息洩漏據吾所聞又有特別原因在耶

新交通系投降安福部之曹汝霖陸宗輿等經營順濟高徐借款已非一日其債額爲三千萬至五千萬八月十四日曹接日本東京電訊有成議之希望與舊交通系葉公綽商之（葉時爲交通部次長）葉因曹分裂交通系恨之且從前南潯借款嘗爲曹陸所梗思有以報之暗使北京新聞交通社揭破此事故甚其詞曰一萬萬元大借款分爲三項（一）四千萬元鐵路墊款（二）四千萬元軍械借款（三）二千萬元政費借款其條件則承認日本設山東民政署開放山東礦產全國烟酒稅作押監督中國財政故當時國人痛罵爲亡國大借款都中亞陸日報經世報中華新報國民公報晨鐘報大中華日報民強報大中日報八家俱據新聞交通社來稿登載曹汝霖大怒譖於段祺瑞指爲捏做事實用督辦參戰事務處名義咨京畿警備總司令部請警察廳於二十三晚將新聞交通社主任何重勇傳究二十四晨又傳八家報館編輯人分別訊究各報遂被封停版其被傳主文有故意造謠洩漏秘密等語既有秘密可以洩漏卽不能謂之故意造謠矣一時引爲笑柄云

安福部與外交

安福部主張親日吾國外交與安福部有關係者當然是中日間之交涉然安福部未出世以前所有對日交涉各案無論得失不能強牽入安福部也前篇所列國債自民國六年八月起斯時安福部已發生矣財交兩部長爲該部必爭之席蟬聯相繼皆該部極有關係之人故兩部經手之借款直謂爲安福部間接之借款亦無不可若外交則不能同日語矣何以故外交長陸徵祥非安福部中人安福部只有暗中作祟不敢公然負責擇其有關係者誌之讀者不可以其略而譏之也

(一) 參戰追認

吾國近年來中日間最重要之外交莫如參戰因參戰而起政爭因政爭而改國會因改國會而安福部以興後來生出種種親日交涉皆萌芽於此是未有安福先有參戰因有參戰竟至於有安福非參戰能製造安福實安福乘參戰而發生參戰與安福無關安福反利用參戰此方種因彼方結果殊不可思議

參戰之時未有安福部吾故不紀參戰新國會成立參戰案追認通過吾又不能不從參戰

始無補於事前徒追認於事後參戰何必有安福有安福而後有密約有借款人之惡安福者並惡參戰矣安福反爲參戰之累是亦參戰之不幸也安福部之國會對於參戰既有追認之一節吾亦惟有紀此一節足矣

民國七年十一月六日國會追認對德奧宣戰案全體贊成通過當時錢能訓代閣說明提案宗旨其詞如左

今日貴院議大總統提出的對德奧宣戰案請求同意本代總理欲說明提案之大旨先簡單說明此一案經過之情形再說所以要希望貴院一致贊成之理由現在先說這議案經過情形中華民國三年六月間歐洲戰事發生政府因爲恐怕戰期蔓延太大將來難以收拾故特守中立並希望和平未嘗加入戰團不料民國五年冬間德國竟自藐視公法打算要實行公法上不許之潛水艇作戰計畫民國六年一月通告各國說從二月一日起就要實行封鎖海面美政府以爲德國這等舉動蹂躪公法不能再忍就向德國宣告絕交駐京美國公使亦通知我國政府請求我國政府同美國爲一致行動政府一再籌畫謂德國這等辦法詢屬背謬既破壞公法而且侵害我國權利甚大所以就於六年二月九日向駐京

德奧提出抗議二月十一日接德國正式答復辯說得難取消這樣答復實在出於政府希望之外不得已就於民國六年三月十四日布告我國同德國斷絕現有外交關係政府意思再等德國逐漸悔悟改變政策不料絕交後過了五個多月而德國潛水艇政策仍舊不變不但德國還有奧國亦同德國採用一樣的政策政府到這個時候知到對於德奧兩國已經絕望了民國六年八月十四日就布告我國對於德國奧國立於戰爭地位宣戰的原委大致如此政府對宣戰一事很有種種計畫打算盡我力量所能及幫助協約各國取得最後的勝利就是使人道主義博最後勝利一年以來所辦的事今大總統咨文上已具其大概亦就不必再說事雖無多而政府對於所定政策對於協約各國始終抱定真誠二字去作以前如此現在如此就是以後亦如此想諸君已能看得出來就是協約各國想他們也看得出來以上所說是中國情形之大略現在再說所以要希望貴院一致贊成的理由諸君一定都知此次戰事與從來歷史上戰爭不同從來的戰爭大概兩方面都是爲私利而這回戰爭有一方雖然是爲私利而他一方面却不然這回的戰爭是公道同私心的戰爭是和平主義同強權主義的戰爭本年一月五日英國首相對工團代表的演說一月八

日美國大總統威爾遜咨國會文內中列舉十四個條件想諸君都已經看過威大總統列舉各條其中如和約必須公開排除經濟障礙縮減軍備設萬國公會國無大小互相保護正式獨立領土完整志向何等光明正大這些條款都是世界人人良心上主張人人人口裏講說的話這種主張焉有不得最後勝利的道理所以現在不但協約方面人人贊成就是敵人方面亦贊成了我國全體人民敢說是對於威大總統所主張沒有一個人不贊成的是這兩年以來沒有機會發表這個意思諸君代表國民所以求貴院全體一致贊成這個宣戰案藉此表示我國全體人民了解這回戰爭目的的意思這是第一個理由這回戰事我友邦協約各國方面犧牲無數的生命烘烘烈烈的舉動可以在歷史上放出一種異樣的光彩我全國人民欽佩已極我國人能追隨這樣極有名譽的國民公同動作實在是我國幸事而我國人民身赴前敵致親愛最佩服的朋友即效命疆場之人未有多少這是我國最不幸的事但亡羊補牢猶未為晚現據各方切實報告協約國已獲全勝然而在敵未有完全降服之先我國的責任仍就不能懈怠此次我國應當繼續協約各國幫忙出力之機會甚多政府的意思打算積極進行但使能盡一分力量亦要進的所以希望貴院一致

贊成這個宣戰案政府才好放手去作一切應辦的事宜這是第二個理由這回大戰世界各國人民所受的痛苦甚大所以都想在這回戰事告終以後謀一個保持永久和平的辦法這個辦法雖有種種而最確實可靠的莫若國際聯合組織前此世界各國所以不能長久太平的原故由於兩國爭持最後解決只有戰爭一個法子未嘗沒有國際仲裁的辦法然而這種仲裁沒有力量所以亦就不能實行現在美國威大總統熱心主張國際聯合組織希望辦得極有力量這種計畫若能成功一定能保持將來永久的和平政府對於這件事極端贊助期以必成打算一面在國內傳布這種主意使全國國民確信此舉為保持世界和平惟一無二的方法庶幾乎這種辦法才能持久一面對於他國時時提醒此事免得日久懈怠將來列國會議此事的時候若是各國有應盡的義務政府必定首先承認而此事必以宣戰案為基礎所以希望貴院一致贊成這一案政府對於國際聯合組織才能着手進行這是第三個理由本代總理說明這一案大旨即請貴院通過是幸

(一) 山東路約

自青島問題發生去年五月四日京師學生激於愛國熱誠湧起學潮因歐會美人之言謂

日佔青島不還美人愛莫能助者端由此約牽制於是羣情洶洶咸歸咎此約焚曹汝霖宅毆章宗祥痛罵陸宗輿而安福部遂爲舉國所指攻身無完膚究竟此約是否賣國爲一問題此約與安福部有何關係又一問題是不可以不辨也

據左袒此約者之言謂中國鐵路不應借外債則已若可借外債則當論所訂合同如何苟該路全權授諸外人或該路所經之地卽成爲外人勢力範圍則誠爲賣國矣從前此兩路曾允許德人造築查中德膠濟鐵路合同全路車務財政均歸德人專主車上中國人德國人待遇亦分等差鐵路用地範圍尤大路權旣非中國所可過問路境亦成治外法權推行之區域此等辦法謂之鐵路借款無異於送路今查合同無上列之弊卽津浦合同亦無此完善當兩方協議起草時日人迭次主張援照前允許德國之例均嚴拒而罷後來中國人能集款自築係另一問題如仍依此草本合同訂立正式合同則保全路權中國主張尙綽有餘地彼對於合同不滿意者以其借日資耳查此兩路前已借用德資旣許外資則改用日資有何差別路權之失否在合同如何及將來中國人辦事能否得力而已日資與其他外資同爲築路所需旣無回扣又無格外擔保以借資而論實無吃虧可言至恐日人覬覦

一節亦屬過慮京奉京漢滬寧等路何嘗卽失土地乃謂此兩路借款成立卽是許日本繼承德國在山東之權利此說最爲謬誤日本欲繼承德國權利在民國四年中日所訂二十一條條約及日本與英法協約早經確定在先惟此兩路借款當時日本實未提及此層觀日本要求照德國之例中國未許而借款亦成又觀日本資本家初不希冀此兩路聲明將來可改路綫則此兩路之借款與德國權利問題毫無關涉可以洞見所惜中國專使不明此中情節反將此兩路借款與德國權利合爲一談不知不覺以美國人推諉之言認爲自己做錯誤國誤人日本自然樂聞是說於是此兩路問題與青島問題乃有不可分之勢其實此兩路借款成立之歷史何嘗如此此旁觀者不能不深考者也且此兩路借款成立同時將民政署訂明撤廢膠濟路定爲合辦不可謂非於中國有利之事當初日本將軍政改爲民政時中國卽慮其施行民政有永佔之危業經屢次抗議今聲明撤消卽示日本無永佔之意其巡警隊及巡警養成所聘用日人或因沿路日僑衆多不酌用日人及將巡警切實訓練恐將來日僑不服交涉滋多轉生損失且警權由中國長官主持但使因應得宜亦兩害取輕之道至膠濟路之合辦卽是將已失之路收回一半何則當德人管理之時名爲

合辦其實中國既無資本亦無主權此路本屬德人私權照例不能沒收若德人將私權讓與日本中國恐亦無法可施現預定中日合辦將來所屬確定後即可由兩國切實共同組織定期經營數十年後自仍歸之中國合辦時有利與否則在辦理人得力與否而已

以上係一方面袒辯之詞亦有一部份理由吾以爲最好是永不借外債卽不得已而借亦應涓滴用諸公家乃吾國借款其名則築路也電政也實業也其實則大款到手大夥分肥軍閥佔多數政客吸其餽餘或全用於一黨一系之陰謀接濟而經手借款大買辦先享其回扣如此借入外債判爲賣國殊非冤枉今山東借款官面文章自然說得好聽試問此二千萬之用途作何花消講到此處安福部有不能辭其咎者矣

此款用途完全爲東海老人製造總統之用當國民五四運動示威最劇之時此借款爲衆矢之的安福部議員有對人言者謂他們罵段祺瑞太無道理此款爲東海花去一千七百餘萬黑狗得吃白狗當災據此則安福部舉出一個總統卽朋分一千七百餘萬之大利可謂極大買賣或謂舊交通系研究系亦有分肥此係一種收買手續當在意中不過一篇曖昧糊塗賬難代分別核算耳此款是否花在徐東海奪得錦標時吾尙有一証據嘗見史俊

民編一部中日交際史對於此宗借款極力左袒而開章明義第一節即云「民國七年新國會成立正屆大總統改選之期需款孔急歐美既不承借不得不向日本資本案告貸」可見安福部議員之說不爲無因非是推諉當時報紙過甚其詞竟有登載東海提去一千七百萬元之新聞想係他人代東海花錢未必是東海親自提用此中應有誤會然吾謂不必深求總之係製造徐東海總統用之於安福部而已

山東路約附錄

敬啟者中國政府決定向日本國資本案借款速行建築左列各地點間之鐵路茲本使受本國政府之委任特將此旨向貴國政府聲明

一、濟南順德間

二、高密徐州間

但左列兩線路如於鐵路經營上不利益時另以適當線路協定之
以上所述貴國政府無異議時應請迅執必要之處置令貴國資本案承允該項借款之商議相應函達敬希見復爲荷謹具

中華民國七年 月 日

中華民國特命全權公使章宗祥印

外務大臣男爵後藤新平閣下

敬啟者本日接奉 貴翰內稱貴國政府決定向日本國資本家借款速行建築左列各地點間之鐵路特將此旨聲明等語業已閱悉

一、濟南順德間

二、高密徐州間

但左列兩線路如於鐵路經營上不利益時另以適當路線協議決定之

帝國政府欣然承認中國政府右列之聲明並當速執必要之處置令日本國資本家承允該項借款之商議特此奉復謹具

大正七年九月二十四日

日本帝國外務大臣男爵後藤新平印

中華民國特命全權公使章宗祥閣下

敬啟者帝國政府顧念貴我兩國間所存善隣之誼本和衷協調之旨意將關係山東省諸問題照左列各項處置認為妥當茲將此事特向貴國政府提議

- 一、膠濟鐵路沿線之日本國軍隊除濟南留一部隊外全部均調集於青島
- 二、膠濟鐵路之警備可由中國政府組成巡警隊任之
- 三、右列巡警隊之經費由膠濟鐵路提供相當之金額充之
- 四、右列巡警隊本部及樞要驛並巡警養成所內應聘用日本國人
- 五、膠濟鐵路從業中應採用中國人
- 六、膠濟鐵路所屬確定以後歸中日兩國合辦經營
- 七、現在施行之民政撤廢之

貴國政府對於右列之提議其意嚮若何敬希示復爲荷敬具

大正七年九月二十四日

日本帝國外務大臣男爵後藤新平印

中華民國特命全權公使章宗祥閣下

敬啟者接奉 貴翰內稱貴國政府顧念貴我兩國間所存善隣之誼本和衷協調之意旨起見提議關於山東省諸問題照左記各項處理等因業已閱悉

一、膠濟鐵路沿線之日國軍隊除濟南留一部隊外全部均調集於青島

- 二、膠濟鐵路之警備可由中國政府組成巡警隊任之
- 三、右列巡警隊之經費由膠濟鐵路提供相當之金額充之
- 四、右列巡警隊本部及樞要驛並巡警養成所內應聘用日本國人
- 五、膠濟鐵路從業中應採用中國人
- 六、膠濟鐵路所屬確定以後歸中日兩國合辦經營
- 七、現在施行之民政撤廢之

中華政府對於日本國政府右列之提議欣然同意特此奉復謹具

中華民國七年 月 日

中華民國特命全權公使章宗祥印

外務大臣男爵後藤新平閣下

濟順高徐兩鐵路借款預備合同

中華民國政府(以下稱政府)因建造自中華民國山東省濟南府至直隸順德之鐵路及自山東省高密至江蘇省徐州之鐵路(以下稱二鐵路)與股分公司日本興業銀行所代表之股分公司日本興業銀行股分公司台灣銀行及朝鮮銀行共三銀行(以下稱銀行)

之間訂立左列合同以爲正式借款合同之準備

第一條 政府認准自山東省濟南府至直隸省順德之鐵路及自山東省高密至江蘇省

徐州之鐵路建設所需一切雜用由銀行發行中華民國政府濟南順德鐵路金幣公債

高徐鐵路金幣公債(以下稱二鐵路公債)

但調查濟順高徐二鐵路線路若於鐵路經營上認爲不利益時得由政府與銀行商議

變更其路線

第二條 政府速定二鐵路之建造費及其他必需之一切費用徵求銀行之同意

第三條 二鐵路公債之期限爲四十年自發行之日起算第十一年開始還本用分年攤

還之方法辦理

第四條 政府與二鐵路正式借款合同成立同時即着手建造鐵路期其速成

第五條 政府對於銀行提供左列物件爲鐵路公債付還本息之担保

現在及將來濟順高徐二鐵路所屬之一切財產並其收入

政府非得銀行之承諾不得以前項之財產或收入作爲担保或保證物提供於他人

第六條 二鐵路公債之發行價格及公債利率政府實收金額依發行當時情形擬以有利於政府之主義協定

第七條 關於以上各條所未規定之條項政府與銀行協議決定之

第八條 濟順高徐二鐵路正式借款合同以本預備合同爲基礎自其成立之日起四個月以內訂定之

第九條 銀行於預備合同成立時對於政府墊借日金二千萬元十足交款並無回扣

第十條 本墊款之利息年息八厘對於日金一百元每年付息日金八元

第十一條 本墊款以政府所發行國庫證券貼現方法交付

第十二條 前條國庫證券每六個月換給一次每次以六個月份之息金支付於銀行

第十三條 政府於濟順高徐二鐵路正式借款合同成立之後以本公債募得之資金優先即速付還本墊款

第十四條 本墊款之交付償還付息及其他一切之授受均於日本東京行之

本預備合同共備中日文各兩份政府銀行互執各一份如關於本預備合同解釋上發生

疑義時以日文合同爲準

中華民國特命全權公使章宗祥

株式會社日本興業銀行

副總裁小野英二郎印

中華民國七年九月二十八日

日本大正七年九月二十八日

(三)青島問題

日人不還我青島說者謂由於山東路約此鐵路借款安福部浪擲而盡既如上所述安福部對於青島問題尙有無關係乎有之卽主張不簽字是也夫安福部非素稱親日者乎何以有不簽字之主張豈其天良發動耶抑怯於學潮恐爲曹章之續耶皆不然也吾觀於安福部反對簽字之主張益歎假公濟私之謀防不勝防也無怪學界之愛國運動竟聞有陰謀家從中利用以學生爲傀儡者在單純愛國之學子本其天良上之主張他非所計而不知己爲陰謀家之獵狗可憐亦可恨也

安福部何以不主張簽字當青島問題提出歐會日本不肯直接交還以廢撤人種問題要挾美國使不爲吾國助此惡耗傳來國人大憤電報紛馳咸謂不能拒日寧不簽字於和約政府對於簽字不簽字之問題初無定見徐東海惑於王胡戴三公使之電頗有主張簽字之意

駐義王公使五月八日電略云查國際締約本有不簽字或簽字而將某條款聲明保留原爲消極之作用藉免履行之義務今之膠州事實上早爲日兵佔據而此次和約條文內之當事人爲日德兩國若因地主之中國不肯簽字可使日德之間發生障礙恐我不簽字於日德間應有之效力既不能變更而中日間之關係處置轉多棘手是徒保持日人於條約所得之權利仍可繼續完全享受於承認交還一事轉可藉詞別爲計畫其對於三國會談所切實聲明等事均可因此變計日後我雖欲向三國責問彼亦振振有詞不負擔保之責任故不但對德問題有國際聯合會之關係是否可不簽字卽與條款是否利於保留事關大局不敢不貢其愚誠全權諸公目前情勢爲個人計自以不簽爲宜若顧及國家豈宜出此云云

駐法胡公使五月十六日電略云此次和約不可不簽字（一）不簽字於民國七年之約仍難廢（二）和議載明經三大國批准即能實行我之簽字與否實無足輕重（三）國際聯合會於中國國際地位關係綦重此會列在和會首章該會辦法國分三種甲協約國簽字者即爲入會之國乙和約開列之中立國由簽字國隨後介紹入會丙德奧等敵國異日入會須俟該會議決我不簽字既自屏以甲種之外列在乙種將來加入尙須審查提議似無把握（四）國際聯合會乃世界和平基礎弱國持以保障獨立故日本不堅持種族問題義全權亦不敢冒世界不韙以期順序入會我若自屏於國際團體之外在勢爲孤立在理爲背衆仇我者更覺有詞助我者未由援手（五）山東問題英法美大使非無意助我奈英法拘於成約美以堅持種族平等之故不得不徇日本所求事非得己心實無他如不簽字徒傷三國感情（六）此次和約中對於敵國除恢復已失權利外尙可享受協商國公共利益若世界和議告成中國尙處戰爭地位異日單獨媾和恐敵國多方要挾迎拒兩難蹤此六端足見不簽字於山東已失權利仍未收回於中國應得權利轉多拋棄又致外交委員會汪會長電云查我國參戰初意原期列席和會增進國際地位非專爲收回山東已失權利一

端此次東事失敗原可痛心顧念和約全部關係我國受益較大至國際聯合尤爲重要強如義日且有遷就讓步以期加入敗如德奧猶且抗議運動不甘自外若舍此已得之機會似覺可惜山東縱不簽字仍難挽回而此次憑藉大會之力所有對德恢復各項權利暨應得均霑各項權利勢必一筆鈎銷單獨媾和困難更甚義大利尙不敢冒此不韙全權去而復來況在中國云云

駐西班牙戴公使五月二十電云膠州問題我國羣情憤激僉主拒絕簽字此事關係太鉅其中利益輕重竊嘗平心靜思此次在大會中並未有意外之失敗況主權完全歸還中國一層既由三國與日議決即可藉商實行交還辦法於我不爲無利約文雖未明載然三國會議言猶在耳且有英外部復函可據日本決難食言即使有所托詞延不履行三國似究不能坐視若不簽字則我國將在聯合國之外勢更孤立而日本以我既未承認則原議自可取消轉有藉口三國憾我不受調停亦將袖手漠視均在意中遠東情勢終須借列強以相牽制未便有傷感情且中日成約並不能因此不簽字而可取消作廢是實際上於前途毫無希望而先使目前對德所獲利益懸而無着似不可負一時之氣而忽久遠之圖即保

留一局無論大會未必許我縱許我保留亦徒畀日以悔翻之餘地我仍無收回之能力其害與不簽字無異云云

徐東海接到各電撮其大意擬一說帖備言簽字不簽字之利害召集國會議員討論安福議員見說帖內不簽字之害多簽字之害少以爲東海欲卸過於國會當時多主張不簽字更有一事爲安福部所不悅者錢內閣自擬一電稿往見段祺瑞謂政府已決定簽字請其幫助主持出名拍發段氏信之此電發出國人嘩然而政府見請願罷市之迭起毆人焚屋之暴動反不敢有一定之表示段祺瑞尙不以爲意安福部則疑徐錢有心陷害於是堅持不簽字之說以與徐錢爲難錢內閣卒不安其位（參觀內閣篇）後來歐會上卒至不能簽字雖迫於國民公意與安福部無關而向來親日之安福部亦有此主張者非無故也

段祺瑞電附錄

歐洲和約事當局最後主張業經電達青島問題顧王兩使爭執直接交還國家有力未嘗不是要知當英日戰青島時我國尙在中立以英日現在之國力我欲一筆抹煞得乎乃以此問題致使一般青年學子爲人利用罷課費時爭執青島縱蹈法網犯國交而不顧風靡

一時謂之愛國噫我國有如此大多數之人民愛護之而國竟不強中必有故瑞曾記外蒙問題政府磋商四閱月爲國家完全領土瑞時代理總理到國會十三次詳述利害併告以蒙局將變竟不通過後訂之約視前如何亦默爾而息對德奧宣戰也抗議絕交則國會承認之宣戰則不通過瑞因關係國家存亡責任所在力爭不止遂運動罷瑞職併將憲法案中添免總理職不用書名一條對瑞個人姑不論天下萬國有此法律否乎遂引起復辟以亡民國此愛國禍國當能辨之一般學子有愛國心誠可喜可嘉瑞更進一言曰常盡心本學養爲成材將來鼎新政治工商實業以強國本則可受人愚弄徒長囂張之氣誤已誤國則不可歐約如不簽字國際聯盟不能加入所得有利條件一切放棄又恐如外蒙宣戰事借愛國以禍國也瑞不聞政事久矣本不應曉瀆然與國家利害有關未敢緘默諸公皆封疆大吏眞知灼見素所佩仰保持治安贊襄政府固不待鄙人之費詞也祺瑞敬印

(四)軍事協定

安福部以徐樹錚爲首領徐受段祺瑞多年卵翼且有師生之誼段欲以武力統一全國爲其懷抱中一種政策徐樹錚欲利用而憑藉之以擴張一己勢力(參觀下文軍閥篇陰謀

（篇）歐戰之後英美等各國無餘力以助我國徐遂以親日之說餽段祺瑞段欲貫徹其武力政策竟爲所惑乃命靳雲鵬曲同豐等與徐借觀操爲名先後赴日密訂軍事協定之約（日本內閣對華政策遣派代表來京種種秘密交涉世多知者與本書無關不詳贅）消息傳於國中人民疑懼謂此項密約卽係軍械同盟民國四年五月袁世凱時代日人列入第五項要求者反對甚力紛紛要求宣佈徐樹錚既係安福部首要凡其所爲安福部之國會當然承認絕無問題發生徐更曲解條文將該約期限延長藉以擴充兵力故徐自日返卽特任爲籌邊使駸駸乎與段祺瑞並駕齊驅矣而安福部之醜更張矣而段系之嫉徐更疾矣（參觀軍閥篇陰謀篇）

附錄軍事協定條約

中國駐使致日本外務大臣文

敬啟者中國政府鑑於目下時局依左列綱領與 貴國政府協同處置信爲貴我兩國之必要茲依本國政府之訓令特向貴國提議本使深爲榮幸

一、中國政府及日本國政府因敵國實力之日見蔓延於俄國境內其結果將使遠東全

局之和平及安甯受侵迫之危險爲適用此情勢及實行兩國參加此次戰爭之義務不能不及早協同考量應行之處置

一、依前項所述經兩國政府合意後因實行決定之事凡兩國陸海軍對於此次共同防敵戰略之範圍應行協力之方法及其條件由兩國當局官憲協定之該當局官憲對於互相利害問題互相慎重誠實隨時協議并由兩國政府核定俟時期實行

以上提議相應函達敬請見復爲荷茲本使對於閣下特表敬意敬具

中華民國七年三月二十五日

中華民國特命全權公使章宗祥

外務大臣法學博士子爵本野一耶閣下

日本外務大臣復中國駐使文

敬復者本日接准尊函內開 貴國政府鑑於目下時局依左列綱領與帝國政府協同處置信爲貴我兩國之必要特向帝國政府提議等語經閱悉

一、日本政府及中國政府因敵國實力之日見蔓延於俄國境內其結果將使遠東全局之和平及安甯受侵迫之危險爲適應此項情勢及實行兩國參加此次戰爭之義務不

能不及早協同考量應行之處置

二、依前項所述經兩國政府合意後因實行決定之事凡兩國陸海軍對於此次共同防敵戰略之範圍應行協力之方法及其條件由兩國當局官憲協定之該當局官憲對於相互利害問題互相慎重誠實隨時協議並由兩國政府核定俟時機實行

帝國政府對於 貴國政府所提議主旨全然同感依前列綱領與 貴國政府協同處置爲帝國政府所欣快相應函復茲本大臣對於 閣下特表敬意敬具

大正七年三月二十五日 日本帝國外務大臣法學博士子爵本野一耶

中華民國特命全權公使章宗祥閣下

日本外務大臣致中國駐使函

敬啟者三月二十五日貴我兩國政府因共同防敵業經互換公文帝國政府以爲該公文之有效期間應由兩國軍事當局商定再因共同防敵日本軍隊在中國境內者俟戰事終了後應一律由中國境內撤退帝國政府特此聲明相應函達茲本大臣對於 閣下特表敬意敬具

大正七年三月二十五日 日本帝國外務大臣法學博士子爵本野一耶

中華民國特命全權公使章宗祥閣下

中國駐使復日本外務大臣函

敬復者本日接准尊函內開三月二十五日貴我兩國政府因共同防敵業經互換公文
貴國政府以爲該公文之有效期間應由兩國軍事當局商定等語中國政府對於此節亦
甚表同意再尊函所稱因共同防敵日本軍隊在中國境內者俟戰事終了後應一律由中
國境內撤退 貴國政府特此聲明等語亦經閱悉以上依本國政府之訓令相應函復茲
本使對於閣下特表敬意敬具

中華民國七年三月二十五日

中華民國特命全權公使章宗祥

外務大臣法學博士子爵本野一耶閣下

中國陸軍共同防敵軍事協定

基於中日兩國政府協商之結果依據兩國政府交換之文件（參照附錄第一第二第三
第四號經兩國軍事當局互派委員協定事項如左

第一條

中日兩國陸軍因敵國實力之日見蔓延於俄國境內其結果將使遼東全局之和平及安寧受侵迫之危險爲適應此次情勢及實行兩國參加此次戰爭之義務起見共同防敵之行動

第二條

關於協定軍事行動彼此兩國所處之地位與利害互相尊重其平等

第三條

中日兩國當局屆基於本協定開始行動之時對於各自本國軍隊及官民在軍事行動區域之內當命令或訓告使彼此推誠親善同心協力以期達成共同防敵之目的
凡在軍事行動區域之內中國地方官吏對於該區域內之日本軍隊須盡力協助使不生軍事上之窒礙日本軍隊須尊重中國主權及地方習慣使人民不感受不便

第四條

爲共同防敵在中國境內之日本軍隊俟戰爭終了時卽由中國境內一律撤退

第五條

中國境外派遣軍隊時若有必要兩國協定派遣之

第六條

作戰區域及作戰上之任務適應於共同防敵目的由兩國軍事當局量各自本國之兵力另協定之

第七條

中日兩國軍事當局在協同作戰期間爲圖協同動作之便利起見應行左記事項

- 一、關於直接作戰上軍事機關彼此互相派遣職員充當往來聯絡之任
- 二、爲圖謀軍事運動及輸運補充敏捷活確實起見陸海運輸通信諸事宜須彼此共同利便

- 三、關於作戰上必要之建設例於行軍鐵路電信電話等項應如何設備由兩國總司令官臨時協定之俟戰事終了凡臨時之建設工程均撤廢

- 四、關於共同防敵所需之兵器及軍需品並其原料兩國應互相供給其數量以不害

各自本國所需要之範圍爲限

五、在作戰區域之內關於軍事衛生事項應互相補助使無遺憾

六、關於直接作戰上之軍事技術人員如有互相補助之必要時經一方之請求應由他方輔助之以供任使

七、軍事行動區域之內設置諜報機關並互相交換軍事所要之地圖及情報關於諜報機關之通信聯絡彼此互相補助圖其便利

八、協定共用之軍事暗號

本條所列各項其須預先計畫及應預先施行者在作戰未實行之前另協定之

第八條

爲軍事輸送使用東清鐵路之時關於該鐵路之指揮保護管理等應尊重原來之條約其輸送方法臨時協定之

第九條

本協定實行上所要詳細事項由中日兩國軍事當局指定各當事者協定之

第十條

本協定及附屬本協定之詳細事項中日兩國均不公布按照軍事之秘密事項辦理

第十一條

本協定由中日兩國陸軍代表者簽名蓋印經各自本國政府之承認時發生效力其作戰行動俟適當之時機經兩國最高統率部商定開始之

本協定及基於本協定所發生之各種細則俟中日兩國對於德奧敵國戰爭終了時卽失其效力

第十二條

本協定以漢文及日本文各繕二分彼此對照簽名蓋印各保有一分爲證據

中華民國七年五月十六日
大正七年五月十六日訂於北京

中華民國陸軍軍事協商委員

委員長

果威將軍靳雲鵬

委員

陸軍中將董煥文

日本帝國陸軍軍事協約委員

- | | |
|-----|------------|
| 委員 | 陸軍中將曲同豐 |
| 委員 | 陸軍少將田書年 |
| 委員 | 陸軍少將劉嗣榮 |
| 委員 | 陸軍少將江壽祺 |
| 委員 | 陸軍少將丁錦 |
| 委員 | 督辦參戰處參議劉崇傑 |
| 委員 | 陸軍少將張濟元 |
| 委員 | 陸軍步兵上校陳鴻遠 |
| 委員 | 陸軍步兵上校秦華 |
| 委員長 | 陸軍少將齋藤季治郎 |
| 委員 | 陸軍少將宇垣一成 |
| 委員 | 陸軍步兵中佐本莊繁 |

委員 陸軍砲兵少佐川崎吉五郎

委員 陸軍步兵大尉山田健三

中日陸軍共同防敵終了時期之聲明

中日兩國經最高統率部協議本之中日陸軍共同防敵軍事協定第九條關於第十一條第二項中所云戰爭狀態終了之時協定如左

對於德奧敵國戰爭狀態終了之時云者指中日兩國批准歐洲戰爭平和會議所訂結之平和條約中日兩軍隊由中國境外及駐在同地方協約各國軍隊同時撤退之時而言
本協定以漢文及日本文各繕二份彼此對照簽名蓋印雙方各保有一份爲證據

中華民國八年二月五日 大中華民國陸軍代表者

日本大正八年二月五日 大日本帝國陸軍代表者

關於中日陸軍共同防敵軍事協定實施上必要之詳細協定

基於中日軍事協定第九條中國兩國軍事當局指定之各當事者關於該協定第六條第七條現協定左列事項

第一條

中日兩國各派遣其軍之一部對於後貝加爾州及黑龍州各取軍事行動其任務在救援捷克斯拉夫克軍並排除德奧兩國及爲之援助之勢力

期指揮之統一及協同圓滿起見行動於該方面之中國軍隊應入日本軍司令官指揮之下

爲與自滿州里方面行動於後貝加爾方面之軍隊互相策應起見中國軍隊之一部應於庫倫至貝加爾湖方面行動如中國於該方面希望日本軍派遣兵力之一部日本亦可派往令屬中國軍司令官指揮之下

此外中部蒙古以西之邊境應由中國自行鞏固防備

第二條

關於兵器及軍需品之供給雖緊急不得已之物品可由前方司令官互相協定然其他之物品及原料之供給則應由東京及北京最高補給機關互相交涉行之

第三條

關於衛生業務中國如有所希望日本應於力所及之範圍內提供便利將來情況進展則關於病院及休養所之施設等日本軍亦須受中國之助力

第四條

須由南滿鐵路輸送之中國軍隊及其軍需品應由中國自行運至大連營口或奉天自此以後至長春之輸送由日本軍擔任之自庫倫方面向貝加爾湖方面行動之中國軍隊若希望日本軍參加一部時則該日本軍隊及其軍需品至大沽秦皇島或奉天由日本軍行輸送自此以後之輸送由中國軍擔任之

關於東清鐵路之輸送應以東清鐵路之當局實施之任而爲與該當局交涉并使中日及捷克斯拉夫克各軍輸送之調度有方起見中日應設協同機關但此項機關將來聯合國軍動倫行動於此方面之時該聯軍所要之人員亦可參加

第五條

關於連絡職員之派遣除交涉已定或正在交涉之外前方司令部或將來更有必須互遣職員情事應由東京與北京最高補給機關辦理如或另有情事應再隨時協議

第六條

兵器及其他軍需材料並原料之供給及兩國運輸軍隊各應擔任之輸送等費用均須給價應隨時或軍事終了後核算給之

第七條

本協定以漢文及日本文各繕二分彼此對照簽名蓋印各保一分爲證據

中華民國七年九月六日

大正七年九月六日

中日海軍共同防敵軍事協定

基於中日兩國政府協商之結果依據

中華民國七年三月二十五日
大正七年三月二十五日

兩國政府於東京交換之

文件經兩國海軍當局互派委員協定事項如左

第一條

中日兩國海軍因敵國勢力之東漸其結果將使遠東全局之和平及安甯受侵迫之危險爲適應此次情勢及實行兩國參加此次歐戰之義務起見取共同防敵之行動

第二條

關於協同軍事行動彼此兩國所需之地位與利害互相尊重其平等

第三條

中日兩國當局屆基於本協定開始行動之時對於各自本國艦船及官民在軍事行動區域內之當命令或訓告使彼此推誠親善同心協力以達共同防敵之目的

第四條

作戰區域及作戰上之任務如應用共同防敵之目的由兩國海軍當局量各自本國之兵力另協定之

第五條

中日兩國軍當局在協同作戰期間爲圖協同動作之便利起見應行左記事項

- 一、關於直接作戰上軍事機關彼此互相派遣職員充當往來聯絡之任
- 二、爲期軍事行動及輸運補充之敏捷確實起見陸海運輸通信諸事宜須彼此共謀

利便

三、關於修造艦艇兵器及軍事機具等並其所需材料應量力互相輔助其軍需品亦同

四、關於直接作戰上之軍事技術人員中日兩國海軍如有互相輔助之必要時經一方之請求應由他方輔助之以資遣用

五、中日兩國海軍於必要之地點各自設置諜報機關又互相交換行動上所要水路圖誌及情報並爲期通信聯絡之敏活確實互相輔助以圖其便利起見兩國當事者應臨時協定其所要之設備

六、協同商定共同之軍事暗號

本條所列各項須預先計劃及應預先施行者在作戰未實行之前另協定之

第六條

本協定實行上所要詳細事項由中日兩國海軍當局指定各當事者協定之

第七條

本協定及附屬本協定之詳細事項中日兩國均不公布按照軍事之秘密事項辦理

第八條

本協定由中日兩國海軍代表者簽名蓋印經各自本國政府承認時發生效力其作戰之行動俟適當之時機經兩國海軍最高統率部商定開始之

本協定及基於本協定發生各種細則俟中日兩國對於國與敵國戰爭狀態終了時失其效力

第九條

本協定以日本文及漢文各繕兩分彼此對照簽名蓋印執一分爲證據

中華民國七年五月十九日在北京簽

日本大正七年五月十九日

委員長 海軍中將沈壽堃

委員 海軍少將吳振南

委員 海軍少將陳恩燾

委員 海軍中校吳光宗

委員長 海軍少將吉田增次郎

委員 海軍大佐伊集院後

委員 海軍大佐樺山可也

中日海軍共同防敵說明書

一、中日兩國海軍爲圖共同作戰之圓滿以副軍事協定第一條之宗旨起見和衷協同互相輔助以期用兵計畫周妥無遺

二、軍事協定之第五條各項內容應行說明如左

第一項所定職員目下以公使館海軍武官及駐在各處之海軍武官充之其他應於必要時隨時協定派遣之

第三項所需材料如金屬料件之類軍需品如燃料糧食之類以及子彈火藥爲軍事上所必需者兩國均應量力輔助之

第五項交換水路圖誌一事俟一方之請求時行之軍事行動區域之內遇有應行補測之海灣經雙方認爲必要時應由該地方所屬之本國海軍當局自行補測之

中華民國七年五月十九日
日本大正七年五月十九日 在北京簽

委員長 海軍中將沈壽堃

委員 海軍少將吳振南

委員 海軍少將陳恩燾

委員 海軍少將吳光宗

委員長 海軍少將吉田增次郎

委員 海軍大佐伊集院後

委員 海軍大佐樺山可也

中日海軍共同防敵終了時期之聲明

中日兩國經高統率部協議本之中日海軍共同敵軍事協定第六條關於第八條第二項中所云戰爭狀態終了之時協定如左

對於德奧敵國戰爭狀態終了之時云者指中日兩國批准歐洲戰爭平和會議所訂結之和平條約中日兩國海軍由俄境及駐在同地方協約各國海軍撤退之時而言

本約定以漢文及日本文各繕二份彼此對照簽名蓋印雙方各執一份爲證據

中華民國八年三月一日

日本大正八年三月一日

附錄輿論痛斥協約之害

就其條文上言之 日本主要目的在藉此進兵我境破我國防占有我交通把持我軍需品及原料其第二條第二項「凡在軍事行動區域之內中國地方官吏對於該區域內之日本軍隊須盡力協助使不生軍事上之阻碍」既爲片面的進兵之規定及不指定地點謹言軍事行動區域之內與日韓同盟條約第二條所云「日本對於清國任攻守之戰爭朝鮮於日兵進退及準備糧食當爲之計有可以便益者務必爲之」極相似朝鮮因此條約全國要塞皆被日軍占領國家即從此滅亡我國有此定協全國要塞亦無一可保矣以軍隊所到之地皆可云軍事行動區域也第七條第二項「爲圖謀軍事運動及運輸補充敏捷活確實起見陸海運輸通信事宜須彼此共謀利便一是我國之郵電鐵路運送艦一概與日本共有矣以條文上雖云彼此共謀

利便而在國土上即僅屬我與彼以利便且利便二字甚廣汎充其量取而管理之亦無不可同條第三電「關於作戰上必要之建設例如行軍鐵路電信電話等項應如何設備由兩國總司令官臨時協定之」於我國土之上作軍事建設必與他人協定且無地點範圍是我國國防上軍事建設權盡被日本干涉不能自由矣同條第四項「關於共同防敵所需之兵器及軍需品并無原料兩國應互相供給」是明明限制中國之鐵棉及其他必要之原料與軍需品除中國自用外不得供給他國中國商人不得自由販賣他國資本家不得與我合資開採鐵礦煤礦及關於原料軍需品之營業彼北京政府爲貪圖日本軍器之供給藉爲國內之戰爭竟將此極大權利棄之不顧亦可謂忍矣同條第七項「軍事行動區域之內 置諜報機關并互相交換軍事所要之地圖及情報」是日本軍隊未能遍及之處即假諜報機關名義遍設軍事機關且假中國交換之地圖不詳盡四處測量我要塞矣在北京政府欺騙我人民謂其約有開始及終止之時效并無妨害但觀此協定之全文僅有確定的終止之時效如第四條及第十二條是若開始之時效雖於十一條第二項規定「對於作戰行動適當

之時機經兩國最高統率部商定」然關於最重要之第三條日本出兵於我國之開始言明在協定開始行動之時而第十一條規定協定於兩國陸軍代表簽名蓋章經政府承認時即發生效力並不待至作戰行動開始時第七條各重要事件並附條聲明所列八項須預計畫及應預先施行在作戰未實行以前另協定之亦無庸待至作戰開始是開始時效不過於作戰上一種假說之辭因日本之目的只在謀我並不對敵作戰也至終止時效尤屬可笑不啻因盜欲至乃預與盜約限其於一定時間外出姑准其入室及盜入室生命財產盡失盜即履約已無及矣況盜豈能使之守約耶日韓同盟條約第三條亦規定「此盟約待與清國復歸於好時廢止」而日本軍隊一入韓境則處處自由行動爲所欲爲及至韓國被其併吞亦未見其撤退觀韓國痛史無不歷歷可考寺內與林相助以當日謀韓舊法加之於我彼北京政府爲私利所蔽受其愚弄國民豈盡無耳目無知識耶

至於軍械借款雖與安福部無關係而與軍事協定有連帶之關係皆爲國民所注意者茲擇錄當時蔣智由勸各督軍反對一電以誌其概蔣電云

軍械約成國家遂亡此無可挽救之鐵案也觀今日報載政府宣示謂係買賣性質其中一無條件亦無抵押夫中國凡有借款皆有抵押今非借款賣買而云並無抵押以此欺人誰實能信今石井使美既歸將實行亞洲孟羅主義即大亞洲主義而亞洲別無強國無他即大日本筭理亞洲而隸屬中國之主義也而中國重使亦明往暗赴相將偕行而日本亦有元帥會議形勢相逼如此重大此正中國危急存亡一髮絕續之秋也與其鑄錯既成貽後日以箝口束手無可改易之悔何如遏滅孽萌使款約不成則國家猶有一日希幾之望惟有乞各督軍毅然斷心決行大策表示轄治態度不贊認政府訂成款約所謂非常之變必以非常出之者此類是也云云

(五)五國勸告

當南北和議初開英美各國公使忽有提出勸告之舉在友邦見吾國連年內爭不息生民塗炭不惜犯干涉內政之嫌疑爲此忠告純是一種美善之意與國際交涉並無問題而反對安福部者反生出一種作用此事已詳和議篇茲不復贅然因私黨之傾軋以國家主權爲兒戲可謂全無心肝者矣

(一) 禍首引渡

皖直戰起皖軍敗潰歸咎安福部(詳下軍閥篇)要求懲辦禍首第一批徐樹錚等十人明令通緝要求者猶以爲未足也第二批方樞等五人又下通緝之令(詳下失敗篇)當前途倒戈之時徐等知大勢已去逃避東交民巷其初外交團有不任保護之說步軍統領王懷慶派兵巡邏於東交民巷附近以圖要截夜燃大電光燈照耀通衢恐漏網也其後日本公使承認保護徐等九人(李思浩未往日使署)電准日本政府經閣議通過乃容留徐等九人於使署小幡公使用公文送達我外交部聲明

日使來文如左

徐樹錚曾毓雋段芝貴丁士源朱深王郅隆梁鴻志姚震姚楨等九人咸來日本使館懇求保護本公使鑒於國際上之通義及中國幾多往例以爲事情不得已而予以承認決定對於此等諸氏加以保護刻將此等諸氏悉收容公使館護衛隊營內並嚴重戒告在收容所內萬不得再干預一切政治且斷絕與外部之交通茲本使特通告於貴代理總長之前本使此次之措置超越政治上之趣旨卽此等諸氏所受之保護決非基於附屬政派之如

何而予以特別待遇恰以該氏等不屬於政派之故是以本使館不能拒絕收容本使並信貴部對於此等衷意必有所諒解也

日本公使認爲政治犯而保護之者當時有一種謠言謂徐曾購意國軍械時日使爲担保此欺現未清交故日使不能放棄此實無稽之論吾謂徐等所以取得政治犯資格者實由於徐總統解散安福部一令區區一俱樂部竟視同法定機關與政府對抗則安福部重要人物友邦何敢輕視且明令已承認安福部爲政黨何怪友邦以政治犯待之然則保存禍首生命者徐總統命令也國民其奈之何

政府接日使來文對於引渡辦法曾經幾次之討論先由外交部正式照會日使聲明徐等九人係屬刑事犯現由中國法庭按照刑事手續準備起訴不久卽向貴公使提出交涉要求引渡茲特預爲通知請先將九人嚴重監視勿任他徙是所切盼等語乃日使復來照會云查本使前因貴國政府對於徐樹錚等既已依據政治上之理由下令通緝故卽認其爲政治犯加以保護茲不問其是否爲普通刑事上之犯罪決不能依從貴國之要求而予引渡等語詞旨強硬不知後來何如交涉也

第二批禍首之光雲錦在崇文門大街東單牌樓扶桑館爲步軍統領左翼偵緝隊拿獲日使以事前並未聲明擅入日本人家逮捕小有責言而於國際交涉無問題也



111

111

◎徵求資料

本編所載爲安福部始末記搜羅事實不厭求詳明知禍國陰謀在安福部必嚴守秘密不特外人難知卽部員亦不盡知或知之而碍於他方面又爲之諱調查極難惟念**彰善癉惡人有同情懲前毖後責在輿論**一人之見聞賴有限將伯之仰良多

海內君子有真知灼見匡我不逮者無論係安福部共同之作爲抑係個人單獨之行動乞將事實詳爲函示母任歡迎又或此編所紀有不實不盡之處能舉所知分別證明當卽於下編補叙其事以昭核實尤爲感綬如蒙見惠一經採錄奉贈全書一冊以申謝忱來函書明姓名住址爲荷

投函請寄海王村公園內神洲國光社專遞可也

安福禍國記上篇

中華民國九年八月十五日付印

中華民國九年九月一日出版

(定價大洋五角)

編輯者

南海胤子

發行者

鄧山一郎

代售處

琉璃廠海王村公園

神州國光社

鄔生記書局

大書莊

